

MISSÆ PROPRIÆ  
DIECESIS  
**BOSNIENSIS ET SIRMIENSIS**


CUM APPROBATIONE

EXCELLENTISSIMI, ILLUSTRISSIMI AC REVERENDISSIMI

**D. D. ANTONII AKŠAMOVIČ**

DIECESIS BOSNIENSIS ET SIRMIENSIS EPISCOPI  
ADMINISTRATORIS APOSTOLICI BARANIÆ ET SLAVONIÆ SEPTENTRIONALIS, ETC.

EDITÆ



TURONIBUS  
**TYPIS MAME**

SANCTÆ SEDIS APOSTOLICÆ ET SACRÆ RITUUM CONGREGATIONIS  
TYPOGRAPHORUM

## BOSNIEN. ET SIRMIEN.

**I**NSTANTE R<sup>m</sup>o D<sup>ño</sup> Engelberto Voršak, Episcopo titulari Zenopolitano, Vicario Capitulari Diœcesis Bosniensis et Sirmiensis, Sanctissimus Dominus Noster Benedictus Papa XV, ad relationem infrascripti Cardinalis Sacrorum Rituum Congregationis Præfecti, benigne facultatem largiri dignatus est, qua in festo sancti Martyris Floriani, die 4 Maji occurrente, unica Missa de eodem cantari valeat, ubi solemnitas externa cum populi concursu in honorem ipsius sancti Floriani celebratur : servatis Rubricis. Contrariis non obstantibus quibuscumque.

Die 11 Decembris 1918.

S. Rituum Congregatio.

L. † S.

---

## APPROBATIO

**M**ISSÆ in festis propriis Diœcesis Bosniensis et Sirmiensis ex concessione S. Sedis Apostolicæ celebrari solitæ per censorem nostrum diœcesanum ad tramitem Rubricarum et S. R. C. Decreta revisæ, nostraque auctoritate approbatæ, per præsentis paginæ vigorem imprimi permittuntur.

Datum Diacovæ, die 30 Aprilis 1932.

† ANTONIUS, m. p.  
EPISCOPUS

L. † S.

Ad ben. Mandatum :

JOSEPHUS SOKOL,  
Can. Cancellarius.



# KALENDARIUM PERPETUUM

## AD USUM DIOECESIS

### BOSNIENSIS ET SIRMIIENSIS

#### JANUARIUS

- 13 OCTAVA EPIPHANIE, *dupl. maj.* Com. Ss. Hermylli et Stratonici Martyrum Sirmiensem.

#### FEBRUARIUS

- 3 S. BLASII EP. ET MART., *dupl. 1 cl. cum Oct. communi.* (Pro Ecclesiis S. Blasii.)  
 17 Ss. Donati, Venusti, Romuli et Silvani Mm., *dupl.*  
 23 S. Sireni Mart. Sirmiensis, *dupl.* Com. S. Petri Damiani Ep., Conf. et Eccl. Doct. (*dupl.*), Vigiliæ ac Ss. Septuaginta duorum Mm. Sirmiensem.

#### MARTIUS

- 26 S. Irenæi Ep. et Mart. Sirmiensis, *dupl.* Com. Ss. Montani et Maximæ Mm. ac Ss. Quadrati et Soc. Mm.  
 27 S. Joannis Damasceni Conf. et Eccl. Doct., *dupl.* Com. Ss. Phileti Senatoris, Lydiæ uxoris ejus et filiorum Macedonis et Theoprepidis Mm., ac Ss. Amphilocii Ducis et Chronidæ Comentariensis Mm.

#### APRILIS

- 9 Ss. Septem Virginum Mm. Sirmiensem, *simpl.*  
 12 Ss. Sabbæ et Soc. Mm. Sirmiensem, *simpl.*  
 18 Ss. Eleutherii Ep. Illyrici et Anthiæ matris ejus, Mm. Sirmiensem, *dupl.*  
 27 B. Hosannæ Virg., *dupl.* Com. S. Petri Canisii Conf. et Eccl. Doct. (*dupl.*).  
 28 S. Pollionis Mart. Sirmiensis, *dupl.* Com. S. Pauli a Cruce Conf. (*dupl.*) ac S. Vitalis Mart.

#### MAJUS

- 4 S. Floriani Mart., *dupl.*  
 16 S. JOANNIS NEPOMUCENI MART., *dupl. 1 cl. cum Oct. communi.* (Pro Ecclesiis S. Joannis.) Com. S. Ubaldi Ep. et Conf. (*semid.*)

- 24 B. MARIE VIRG. SUB TITULO AUXILIATRICIS CHRISTIANORUM, *dupl. 1. cl. cum Oct. communi.* (Pro Ecclesiis B. M. V. sub hoc titulo.)

#### JUNIUS

- 4 S. Quirini Ep. Sisciensis, Mart., *dupl.* Com. S. Francisci Carraciolo Conf. (*dupl.*).  
 27 S. LADISLAI REGIS, CONF., *dupl. 1 cl. cum Oct. communi.* (Pro Ecclesiis S. Ladislai.)

#### JULIUS

- 4 De Oct. Ss. Petri et Pauli App., *semid.* Com. Ss. Innocentii et Soc. Mm. Sirmiensem.  
 5 Ss. CYRILLI ET METHODII EPP. ET CC., PATRONORUM PROVINCIÆ ECCLESIASTICÆ CROATICO-SLAVONICÆ, *dupl. 1 cl. cum Oct. communi.* Com. S. Antonii Mariæ Zaccaria Conf. (*dupl.*).  
 6 OCTAVA Ss. PETRI ET PAULI APP., *dupl. maj.* Com. Oct. Ss. Cyrilli et Methodii.  
 7 De Oct. Ss. Cyrilli et Methodii Epp. et Cc., *semid.*  
 8 S. Elisabeth Reginæ, Vid., *semid.* Com. Oct. Ss. Cyrilli et Methodii.  
 9 De Oct. Ss. Cyrilli et Methodii, *semid.*  
 10 Ss. Septem Fratrum Mm. ac Ss. Rufinæ et Secundæ Vv. et Mm., *semid.* Com. Oct. Ss. Cyrilli et Methodii.  
 11 De Octava Ss. Cyrilli et Methodii, *semid.* Com. S. Pii I Papæ et Mart.  
 12 OCTAVA Ss. CYRILLI ET METHODII, *dupl. maj.* Com. S. Joannis Gualberti Abb. (*dupl.*) ac Ss. Naboris et Felicis Mm.  
 20 S. ELIÆ PROPHETÆ, PATRONI PRINC. DIOECESIS BOSNIENSIS, *dupl. 1. cl. cum Oct. communi.* Com. S. Hieronymi Æmiliani Conf. (*dupl.*).  
 21 De Oct. S. Eliæ, *semid.* Com. S. Praxedis Virg.



- 22 S. Mariæ Magdalænæ Pœnitentis, *dupl.*  
Com. Oct. S. Eliæ.  
23 S. Apollinaris Ep. et Mart., *dupl.* Com.  
Oct. S. Eliæ et S. Liborii Ep. et Conf.  
24 De Oct. S. Eliæ, *semid.* Com. Vigilæ et  
S. Christinæ Virg. et Mart.  
27 OCTAVA S. ELIÆ, *dupl. maj.* Com. S. Pan-  
taleonis Mart.

## AUGUSTUS

- 3 B. Augustini Gazotti Ep. et Conf., *dupl.*  
Com. Inventionis S. Stephani Proto-  
mart. (*semid.*).  
14 Vigilia. Com. S. Ursicii Mart. Sirmiensi  
et S. Eusebii Conf.  
16 S. ROCHI CONF., *dupl. 1 cl. cum Oct.*  
*communi.* (Pro Ecclesiis S. Rochi.)  
20 S. STEPHANI REGIS, CONF., *dupl.*  
*1 cl. cum Oct. communi.* (Pro Ecclesiis  
S. Stephani.) Com. S. Bernardi Abb. et  
Eccl. Doct.  
23 Ss. Hermogenis et Fortunati Mm. Sirmien-  
sium, *dupl.* Com. S. Philippi Benitii  
Conf. (*dupl.*) et Vigilæ.

## SEPTEMBER

- 7 B. Marci Chrisini Mart., *dupl.*

## OCTOBER

- 20 S. VENDELINI ABB., *dupl. 1 cl. cum*  
*Oct. communi.* (Pro Ecclesiis S. Vende-  
lini.) Com. S. Joannis Cantii Conf.  
(*dupl.*).  
26 S. DEMETRII MART., PATRONI  
PRINC. DIOECESIS SIRMIENSIS,  
*dupl. 1 cl. cum Oct. communi.*  
27 De Oct. S. Demetrii, *semid.* Com. Vigilæ.  
29 De Oct. S. Demetrii, *semid.*  
30 De Oct. S. Demetrii, *semid.*  
31 De Oct. S. Demetrii, *semid.* Com. Vigilæ.

## NOVEMBER

- 5 Commemoratio Sanctorum quorum cor-  
pora vel reliquiæ in Ecclesiis Diœc.  
Bosnien. et Sirmien. asservantur, *dupl.*  
Com. Oct. Omnium Sanctorum.

## DECEMBER

- 10 TRANSLATIO ALMÆ DOMUS B. MARIE VIRG.,  
*dupl. maj.*





MISSÆ PROPRIÆ  
DIOECESIS  
**BOSNIENSIS ET SIRMIENSIS**

---

FESTUM DECEMBRIS

---

DIE 10 DECEMBRIS

IN TRANSLATIONE  
ALMÆ DOMUS B. Mariæ VIRG.

Introitus      Gen. 28, 17



ERRIBILIS est locus iste :  
hic domus Dei est, et  
porta cæli : et vocabitur  
aula Dei. Ps. 83, 2-3.

Quam dilēcta tabernacula tua, Dó-  
mine virtutum ! concupiscit, et défi-  
cit ánima mea in átria Dómini.

ŷ. Glória Patri.      Terribilis.

Oratio

**D**EUS, qui beatæ Mariæ Virginis  
domum per incarnati Verbi  
mysterium misericórditer conse-  
crasti, eámque in sinu Ecclesiæ  
tuæ mirabiliter collocasti : concède ;  
ut, segregati a tabernaculis pecca-  
torum, digni efficiámur habitatores  
domus sanctæ tuæ. Per eúmdem  
Dóminum.

Et fit Com. Feriæ:

Deinde Com. S. Melchiadis Pa-  
pæ et Mart. :

Oratio

**I**NFIRMITATEM nostram respice, om-  
nipotens Deus : et, quia pondus  
propriæ actiōnis gravat, beati Mel-  
chiadis Mártyris tui atque Pontifi-  
cis intercessio gloriōsa nos próte-  
gat. Per Dóminum.

Lectio libri Sapiéntiæ

Eccli. 24, 11-13 et 15-20

**I**N ómnibus réquiem quæsivi, et  
in hereditate Dómini morabor.  
Tunc præcepit et dixit mihi Creá-  
tor ómnium : et qui creávit me,  
requiēvit in tabernáculo meo, et  
dixit mihi : In Jacob inhábita, et  
in Israël hereditare, et in eléctis  
meis mitte radices. Et sic in Sion  
firmata sum, et in civitate sanctifi-  
cata similiter requiēvi, et in Jerú-  
salem potestas mea. Et radicavi in  
pópulo honorificato, et in parte Dei  
mei hereditas illius, et in plenitú-  
dine sanctórum detentio mea. Quasi  
cedrus exaltata sum in Líbano, et  
quasi cypressus in monte Sion :  
quasi palma exaltata sum in Cades,  
et quasi plantatio rosæ in Jéricho.  
Quasi olíva speciosa in campis, et  
quasi plátanus exaltata sum juxta  
aquam in platéis. Sicut cinnamó-  
mum et bálsamum aromatizans odó-  
rem dedi : quasi myrrha elécta dedi  
suavitatem odóris.

**Graduale. Ps. 26, 4.** Unam pétii  
a Dómino, hanc requíram, ut in-  
hábitem in domo Dómini ómnibus  
diēbus vitæ meæ. ŷ. Ut vídeam  
voluptatem Dómini, et visitem tem-  
plum ejus.

**Allelúja, allelúja. ŷ. Ps. 83, 5.**  
Beati, qui hábitant in domo tua,  
Dómine : in sæcula sæculórum lau-  
dábunt te. Allelúja.





Sequētia sancti Evangēlii secūndum Lucam

Luc. 1, 26-38

**I**N illo tēpore : Missus est Angelus Gábriel a Deo in civitatem Galilææ, cui nomen Názareth, ad Virginem desponsatam viro, cui nomen erat Joseph, de domo David, et nomen Virginis María. Et ingressus Angelus ad eam, dixit : Ave, grátia plena : Dóminus tecum : benedícta tu in muliéribus. Quæ, cum audisset, turbáta est in sermōne ejus : et cogitábat qualis esset ista salutatio. Et ait Angelus ei : Ne tímeas, María, invenisti enim grátiam apud Deum : ecce, concípies in útero, et páries fílium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David, patris ejus : et regnábbit in domo Jacob in ætérnum, et regni ejus non erit finis. Dixit autem María ad Angelum : Quómodo fiet istud, quóniam virum non cognósco? Et respóndens Angelus, dixit ei : Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce, Elísabeth, cognáta tua, et ipsa concépit fílium in senectúte sua : et hic mensis sextus est illi, quæ vocátur stérilis : quia non erit impossibile apud Deum omne verbum. Dixit autem María : Ecce ancilla Dómini, fiat mihi secūndum verbum tuum. **Credo.**

**Offertorium. Ps. 5, 8.** Introibo in domum tuam, adorábo ad templum sanctum tuum, et confitébor nómini tuo.

### Secreta

**A**CCIPE, quæsumus, Dómine, múnera in hac sacra domo dignánter oblata : et, beátæ Mariæ Virginis suffragántibus méritis, ad nostræ salutis auxiliū proveníre concéde. Per Dóminum.

*Pro S. Melchiade Secreta*

**H**ÓSTIAS tibi, Dómine, beáti Melchiadis Mártiris tui atque Pontificis dicátas méritis, benígnus assúme : et ad perpétuum nobis tribue proveníre subsidiū. Per Dóminum.

**Præfatio de B. Maria Virg.** Et te in Festivitate.

**Communio. Prov. 8, 34-35.** Beátus, qui audit me, et qui vígilat ad fores meas quotidie, et obsérvat ad postes óstii mei. Qui me invenerit, invéniet vitam et háuriet salutem a Dómino.

### Postcommunio

**Q**UÆSUMUS, Dómine Deus noster : ut sacrosáncta mystéria, quæ pro reparatiónis nostræ munímine contulisti, intercedente beáta María semper Virgine, et præsens nobis remédium esse fácias, et futúrum. Per Dóminum.

*Pro S. Melchiade*

### Postcommunio

**R**EFÉCTI participatióne múnemis sacri, quæsumus, Dómine Deus noster : ut, cujus exsequimur cultum, intercedente beáto Melchiade Mártire tuo atque Pontífice, sentiámus efféctum. Per Dóminum.

**Si hæc Missa dicatur Feria IV Quatuor Temporum Adventus, in fine legitur Evangelium S. Joannis In principio.**



## FESTUM JANUARI

DIE 13 JANUARI

COMMEMORATIO

Ss. HERMYLLI et STRATONICI  
MARTYRUM

Oratio

**D**EUS, qui nos concedis sanctórum Mártyrum tuórum Hermylli et Stratónici natalítia cólere : da nobis in æténa beatitúdine de eórum societáte gaudére. Per Dñm.

Secreta

**A**DÉSTO, Dómine, supplicatióibus nostris, quas in Sanctórum tuórum commemoratióne deférimus : ut, qui nostræ justitiæ fidúciā non habémus, eórum qui tibi placuerunt, méritis adjuvémur. Per Dóminum.

Postcommunio

**Q**UÆSUMUS, Dómine, salutáribus repléti mystériis : ut, quorum solémnia celebrámus, eórum oratióibus adjuvémur. Per Dñm.

## FESTA FEBRUARI

DIE 3 FEBRUARI

SANCTI BLASII

EP. ET MART.

(Pro Ecclesiis S. Blasii.)

Missa Sacerdótes Dei, de Comuni unius Martyris 2º loco, præter Orationem sequentem :

Oratio

**D**EUS, qui beátum Blásium Mártyrem tuum atque Pontíficem in suis perferendis suppliciis, et

in aliórum depellendis infirmitatibus, admirábilem effecisti : concéde propítius ; ut illius et in fide constantiam imitémur, et in periculis patrocínium sentiámus. Per Dñm.

Secreta

**M**ÚNERA tibi, Dómine, dicáta sanctifica : et, intercedente beáto Blásio Mártyre tuo atque Pontífice, per éadem nos placátus inténde. Per Dóminum.

Postcommunio

**H**ÆC nos commúnio, Dómine, purget a crimine : et, intercedente beáto Blásio Mártyre tuo atque Pontífice, cæléstis remédii fáciat esse consórtes. Per Dóminum.

DIE 17 FEBRUARI

Ss. DONATI, VENUSTI, ROMULI et SILVANI  
MARTYRUM

Introitus Eccli. 44, 15 et 14

**S**APIÉNTIAM Sanctórum narrent pópuli, et laudes eórum nuntiet ecclésia : nómina autem eórum vivent in sæculum sæculi.

Ps. 32, 1. Exsultáte, justí, in Dómino : rectos decet collaudátio.

Ÿ. Glória Patri. Sapiéntiam.

Oratio

**O**MNÍPOTENS sempitérne Deus, majestátem tuam súpplices exorámus : ut, qui beatórum Mártyrum tuórum Donáti et Sociórum ejus natalítia cólimus ; eórum méritis et intercessiόne ab ómnibus advérsis protegámur in terris, et cum ipsis glóriæ tuæ partícipes efficiámur in cælis. Per Dóminum.

Et, in Quadragesima, fit Commemoratio Feriæ.



## Lectio libri Sapiëntiæ

Sap. 5, 16-20

**J**USTI autem in perpétuum vivent, et apud Dóminum est merces eórum, et cogitatio illórum apud Altíssimum. Ideo accipient regnum decóris, et diadéma speciëi de manu Dómini : quóniam dextera sua teget eos, et bráchio sancto suo deféndet illos. Accipiet armatúram zelus illius, et armábit creatúram ad ulciónem inimicórum. Induet pro thoráce justítiam, et accipiet pro gálea iudicium certum. Sumet scutum inexpugnábile, æquitátem.

**Graduale. Ps. 123, 7-8.** Anima nostra, sicut passer erépta est de láqueo venántium. **ŷ.** Láqueus contrítus est, et nos liberáti sumus : adiutorium nostrum in nómine Dómini, qui fecit cælum et terram.

**Allelúja, allelúja. ŷ. Ps. 67, 4.** Justi epuléntur, et exsúltent in conspéctu Dei : et delecténtur in lætítia. Allelúja.

**Post Septuagesimam, omissis Allelúja et Versu sequenti, dicitur**

**Tractus. Ps. 125, 5-6.** Qui séminant in lácrimis, in gáudio metent. **ŷ.** Eúntes ibant et flebant, mitténtes sémina sua. **ŷ.** Veniéntes autem vénient cum exsultatióne, portántes manipulos suos.



Sequéntia sancti Evangélíi  
secúndum Lucam

Luc. 6, 17-23

**I**N illo témpore : Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et

marítima, et Tyri, et Sidónis, qui vénérent, ut audirent eum, et sanarentur a languóribus suis. Et qui vexabántur a spirítibus immúndis, curabántur. Et omnis turba quærébat eum tángere : quia virtus de illo exíbat, et sanábat omnes. Et ipse, elevátis óculis in discípulos suos, dicebat : Beáti páuperes : quia vestrum est regnum Dei. Beáti, qui nunc esurítis : quia saturabímmini. Beáti, qui nunc fletis : quia ridébitis. Beáti éritis, cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Fílium hóminis. Gaudéte in illa die, et exsultáte : ecce enim merces vestra multa est in cælo.

**Offertorium. Ps. 149, 5-6.** Exsultábunt sancti in glória, lætabúntur in cubílibus suis : exaltatiónes Dei in fáucibus eórum (allelúja).

## Secreta

**M**ÚNERA tibi, Dómine, nostræ devotiónis offérimus : quæ et pro tuórum tibi grata sint honóre justórum, et nobis salutária, te miseránte, reddántur. Per Dóminum.

**Communio. Luc. 12, 4.** Dico autem vobis amícis meis : Ne terreámini ab his, qui vos persecúntur.

## Postcommunio

**P**RÆSTA nobis, quæsumus, Dómine : intercedéntibus sanctis Martýribus tuis Donáto et Sóciis ejus; ut, quod ore contingimus, pura mente capiámus. Per Dóminum.



DIE 23 FEBRUARII

SANCTI SIRENI

MARTYRIS SIRMIENSIS

Introitus

Ps. 63, 11



LÆTÁBITUR justus in Dómino, et sperábit in eo : et laudabúntur omnes recti corde. *Ps. ibid., 2.* Exáudi, Deus, oratióem meam cum déprecor : a timóre inimíci éripe ánimam meam. *ŷ. Glória Patri. Lætábitur.*

Oratio

**P**RÆSTA, quæsumus, omnipotens Deus : ut, intercedente beáto Siréno Mártyre tuo, et a cunctis adversitatibus liberémur in corpore, et a pravis cogitationibus mundémur in mente. Per Dóminum.

*Et fit Com. S. Petri Damiani Ep., Conf. et Eccl. Doct. :*

Oratio

**C**ONCÉDE nos, quæsumus, omnipotens Deus : beáti Petri Confessóris tui atque Pontíficis mónita et exémpa sectári; ut per terréstrium rerum contéptum æténa gáudia consequámur.

*Deinde, in Quadragesima, Com. Feriæ.*

*Postea Com. Ss. Septuaginta duorum Martyrum Sirmiensem :*

Oratio

**D**EUS, qui nos concédis sanctórum septuaginta duórum Mártyrum tuórum natalítia cólere : da nobis in æténa beatitúdine de eórum societáte gaudere.

*Tandem Com. Vigilæ S. Matthiæ Ap. :*

Oratio

**D**A, quæsumus, omnipotens Deus : ut beáti Matthiæ Apóstoli tui, quam prævenimus, veneránda solémnitas, et devotióem nobis áugeat, et salútem. Per Dóminum.

*Léctio Epístolæ beáti Pauli Apóstoli ad Timótheum*

*2 Tim. 2, 8-10 et 3, 10-12*

**C**ARÍSSIME : Memor esto, Dóminum Jesum Christum resurrexisse a mórtuis ex sémine David, secúndum Evangélium meum, in quo labóro usque ad víncula, quasi male óperans : sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Jesu, cum glória cælésti. Tu autem assecútus es meam doctrínam, institutióem, propósitum, fidem, longanimitátem, dilectiόem, patiéntiam, persecutiόes, passiόnes : quália mihi facta sunt Antiochiæ, Iconii, et Lystri : quales persecutiόes sustínui, et ex ómnibus erípuit me Dóminus. Et omnes, qui pie volunt vívere in Christo Jesu, persecutiόem patiéntur.

*Graduale. Ps. 36, 24.* Justus cum ceciderit, non collidétur : quia Dóminus suppónit manum suam. *ŷ. Ibid., 26.* Tota die miserétur, et cómmodat : et semen ejus in benedictiόe erit.

*Allelúja, allelúja. ŷ. Joann. 8, 12.* Qui séquitur me, non ámbulat in ténebris : sed habébit lumen vitæ æternæ. Allelúja.



Post Septuagesimam, omissis Allelúja, et Versu sequenti, dicitur :

**Tractus.** Ps. 111, 1-3. Beátus vir, qui timet Dóminum : in mandátis ejus cupit nimis. *Ÿ.* Potens in terra erit semen ejus : generátio rectórum benedicétur. *Ÿ.* Glória et divítiae in domo ejus : et justítia ejus manet in sæculum sæculi.



Sequéntia sancti Evangélíi  
secúndum Matthæum

**Matth. 16, 24-27**

**I**N illo témpore : Dixit Jesus discípulis suis : Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam : qui autem perdíderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ vero suæ detriméntum patiátur? Aut quam dabit homo commutatiónem pro ánima sua? Fílius enim hóminis ventúrus est in glória Patris sui cum Angelis suis : et tunc reddet unicuique secúndum ópera ejus. **Credo.**

**Offertorium.** Ps. 20, 4-5. Posuísti, Dómine, in cápíte ejus corónam de lápide pretióso : vitam pétiit a te, et tribuísti ei (allelúja).

**Secreta**

**A**CCÉPTA sit in conspéctu tuo, Dómine, nostra devótio : et ejus nobis fiat supplicatióne salutaris, pro cujus solemnitate defératur. Per Dóminum.

*Pro S. Petro Damiano*

**Secreta**

**S**ANCTI Petri Pontíficis tui atque Doctóris nobis, Dómine, pia non desit orátio : quæ et múnera nostra concíliet; et tuam nobis indulgéntiam semper obtíneat.

*Pro Ss. Martyribus*

**Secreta**

**M**ÚNERA tibi, Dómine, nostræ devotiónis offérimus : quæ et pro tuórum tibi grata sint honóre justórum, et nobis salutária, te miseránte, reddántur.

*Pro Vigilia S. Matthiæ Ap. :*

**Secreta**

**A**POSTÓLICI reveréntia cúlminis offeréntes tibi sacra mystéria, Dómine, quæsumus : ut beáti Matthiæ Apóstoli tui suffrágiis, cujus natalítia prævenímus; plebs tua semper et sua vota deprómat, et desideráta percípiat. Per Dóminum.

**Communio.** Joann. 12, 26. Qui mihi minístrat, me sequátur : et ubi sum ego, illic et miníster meus erit.

**Postcommunio**

**R**EFÉCTI participatióne múnneris sacri, quæsumus, Dómine, Deus noster : ut, cujus exséquimur cultum, intercedénte beáto Siréno Mártire tuo, sentiámus efféctum. Per Dóminum.

*Pro S. Petro Damiano*

**Postcommunio**

**U**T nobis, Dómine, tua sacrificia dent salútem : beátus Petrus Póntifex tuus et Doctór egrégíus, precátor accédatur.



*Pro Ss. Martyribus**Postcommunio*

**P**RÆSTA nobis, quæsumus, Dómine : intercedéntibus sanctis septuaginta duóbus Martýribus tuis; ut, quod ore contíngimus, pura mente capiámus.

*Pro Vigilia S. Matthiæ Ap. :**Postcommunio*

**S**ANCTI Apóstoli tui Matthiæ, quæsumus, Dómine, supplicatióne placátus : et véniam nobis tríbue, et remédia sempitérna concéde. Per Dóminum.

## FESTA MARTII

DIE 26 MARTII

SANCTI IRENÆI

EP. ET MART. SIRMIENSIS

*Tempore Paschali, Missa Pro-*  
*texisti.*

*Extra Tempus Paschale**Introitus Eccli. 45, 30*

**S**TÁTUIT ei Dóminus testaméntum pacis, et príncipem fecit eum : ut sit illi sacerdotii dignitas in ætérnum. *Ps. 131, 1.* Meménto, Dómine, David : et omnis mansuetúdinis ejus. *ꝫ. Glória Patri. Státuit.*

*Oratio*

**I**NFIRMITÁTEM nostram réspice, omnípotens Deus : et, quia pondus propriæ actiόνis gravat, beáti Irenæi Mártiris tui atque Pontíficis intercessio gloriósa nos prótegat. Per Dóminum.

*Et, in Quadragesima, fit Com-*  
*Feriæ.*

*Deinde Com. Ss. Montani et*  
*Maximæ Mm. :*

*Oratio*

**D**EUS, qui nos ánnua sanctórum Mártýrum tuórum Montáni et Máximæ solemnitáte lætíficas : concéde propítius; ut, quorum gaudémus méritis, accendámur exémplicis.

*Postea Com. Ss. Quadrati et*  
*Soc. Mm. :*

*Oratio*


**D**EUS, qui nos concédis sanctórum Mártýrum tuórum Quadráti, Theodósii, Emmanuélis et Sociórum natalítia cólere : da nobis in ætérna beatitúdine de eórum societáte gaudére. Per Dóminum. Lécitio Epístolæ beáti Jacóbi Apóstoli *Jac. 1, 12-18*

**C**ARÍSSIMI : Beátus vir, qui suffert tentatióne : quóniam, cum probátus fúerit, accípiet corónam vitæ, quam repromísit Deus diligéntibus se. Nemo cum tentátur, dicat, quóniam a Deo tentátur : Deus enim intentátor malórum est : ipse autem néminem tentat. Unusquisque vero tentátur a concupiscéntia sua abstráctus et illéctus. Deínde concupiscéntia cum concéperit, parit peccátum : peccátum vero cum consummátum fúerit, génerat mortem. Nolíte itaque erráre, fratres mei dilectíssimi. Omne datum óptimum, et omne donum perféctum desúrsum est, descéndens a Patre lúminum, apud quem non est transmutátio, nec vicissitúdinis obumbrátio. Voluntárie enim génuit nos verbo veritátis, ut simus inítium áliquod creatúræ ejus.



**Graduale. Ps. 88, 21-23.** Inveni David servum meum, oleo sancto meo unxi eum : manus enim mea auxiliabitur ei, et brachium meum confortabit eum. *Ÿ.* Nihil proficiet inimicus in eo, et filius iniquitatis non nocēbit ei.

**Traçtus. Ps. 20, 3-4.** Desiderium animæ ejus tribuisti ei : et voluntate labiorum ejus non fraudasti eum. *Ÿ.* Quoniam prævenisti eum in benedictionibus dulcedinis. *Ÿ.* Posuisti in capite ejus coronam de lapide pretioso.

 Sequentia sancti Evangelii secundum Lucam **Luc. 14, 26-33**

**I**N illo tempore : Dixit Jesus turbis : Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et qui non bajulat crucem suam, et venit post me, non potest meus esse discipulus. Quis enim ex vobis volens turrim ædificare, non prius sedens computat sumptus, qui necessarii sunt, si habeat ad perficiendum; ne, posteaquam posuerit fundamentum, et non potuerit perficere, omnes, qui vident, incipiant illudere ei, dicentes : Quia hic homo cepit ædificare, et non potuit consummare? Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se? Alioquin, adhuc illo longe agente, legationem mittens, rogat ea, quæ pacis sunt. Sic ergo omnis ex vobis, qui non renuntiat omnibus, quæ possidet, non potest meus esse discipulus.

**Offertorium. Ps. 88, 25.** Veritas mea, et misericordia mea cum ipso : et in nomine meo exaltabitur cornu ejus.

*Secreta*

**H**OSTIAS tibi, Domine, beati Irenæi Martyris tui atque Pontificis dicatas meritis, benignus assume : et ad perpetuum nobis tribue provenire subsidium. Per Dominum.

*Pro Ss. Montano et Maxima Mm. : Secreta*

**O**BLATIS, quæsumus, Domine, placare muneribus : et, intercedentibus sanctis Martyribus tuis Montano et Maxima, a cunctis nos defende periculis.

*Pro Ss. Quadrato et Soc. Mm. : Secreta*

**M**UNERA tibi, Domine, nostræ devotionis offerimus : quæ et pro tuorum grata sint honore justorum, et nobis salutaria, te miserante, reddantur. Per Dominum.

**Communio. Ps. 88, 36 et 37-38.** Semel juravi in sancto meo : semen ejus in æternum manebit : et sedes ejus sicut sol in conspectu meo, et sicut luna perfecta in æternum, et testis in cælo fidelis.

*Postcommunio*

**R**EFECTI participatione muneris sacri, quæsumus, Domine Deus noster : ut, cujus exsequimur cultum, intercedente beato Irenæo Martyre tuo atque Pontifice, sentiamus effectum. Per Dominum.

*Pro Ss. Montano et Maxima Mm. : Postcommunio*

**H**ÆC nos communio, Domine, purget a crimine : et, intercedentibus sanctis Martyribus tuis



Montano et Máxima, cælestis remédii fáciat esse consórtes.

*Pro Ss. Quadrato et Soc. Mm. :  
Postcommunio*

**P**RÆSTA nobis, quæsumus, Dómine : intercedéntibus sanctis Martýribus tuis Quadrato, Theodosio, Emmanuele et Sóciis; ut, quod ore contingimus, pura mente capiámus. Per Dóminum.

DIE 27 MARTII

COMMEMORATIO

Ss. PHILETI Senatoris, LYDIÆ Uxoris ejus  
et Filiorum MACEDONIS  
et THEOPREPIDIS Martyrum  
ac Ss. AMPHILOCHII Ducis et CHRONIDÆ  
COMENTARIENSIS Martyrum

*Pro Ss. Phileto et Soc. Mm. :  
Oratio*

**D**EUS, qui nos ánnua sanctórum Mártyrum tuórum Philéti, Lýdiæ, Macédonis et Theoprepidis solemnitáte lætíficas : concéde propítius; ut, quorum gaudémus méritis, accendámur exémpis.

*Pro Ss. Amphilocio et Chronida :  
Oratio*

**D**EUS, qui nos concédís sanctórum Mártyrum tuórum Amphilocii et Chronidæ natalítia cólere : da nobis in æténa beatitúdine de eórum societáte gaudére. Per Dóminum.

*Pro Ss. Phileto et Soc. :  
Secreta*

**O**BLÁTIS, quæsumus, Dómine, placáre munéribus : et, intercedéntibus sanctis Martýribus tuis Philéto, Lýdia, Macédone et Theo-

prépide, a cunctis nos defénde perículis.

*Pro Ss. Amphilocio et Chronida :  
Secreta*

**M**ÚNERA tibi, Dómine, nostræ devotiónis offérimus : quæ et pro tuórum tibi grata sint honóre justórum, et nobis salutária, te miseránte, reddántur. Per Dóminum.

*Pro Ss. Phileto et Soc. :  
Postcommunio*

**H**ÆC nos commúnio, Dómine, purget a crimine : et, intercedéntibus sanctis Martýribus tuis Philéto, Lýdia, Macédone et Theoprépide, cælestis remédii fáciat esse consórtes.

*Pro Ss. Amphilocio et Chronida :  
Postcommunio*

**P**RÆSTA nobis, quæsumus, Dómine : intercedéntibus sanctis Martýribus tuis Amphilocio et Chronida; ut, quod ore contingimus, pura mente capiámus. Per Dóminum.

## FESTA APRILIS

DIE 9 APRILIS

SANCTARUM SEPTEM VIRGINUM

MARTYRUM SIRMIENSIIUM

Introitus Ps. 118, 95-96

**M**E exspectavérunt peccátóres, ut pérderent me : testimónia tua, Dómine, intelléxi : omnis consummationis vidi finem : latum mandátum tuum nimis (T. P. allelúja, allelúja). Ps. *ibid.*, 1. Beáti immaculáti in via : qui ámbulant in lege Dómini. *ꝫ*. Glória Patri. **M**e exspectavérunt.



## Oratio

**D**A nobis, quæsumus, Dómine, Deus noster, sanctárum septem Vírginum et Mártyrum tuárum palmas incessábili devotiône venerári : ut, quas digna mente non pòssumus celebráre; humílibus saltem frequentémus obséquiiis. Per Dóminum.

Léctio Epístolæ beáti Pauli Apóstoli ad Corínthios

1 Cor. 7, 25-34

**F**RATRES : De virgínibus præceptum non hábeo : consílium autem do, tamquam misericórdiam consecútus a Dómino, ut sim fídelis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærere solutióem. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit : tribulatióem tamen carnis habébunt hujúsmodi. Ego autem vobis parco. Hoc itaque dico, fratres : Tempus breve est : réliquum est, ut et qui habent uxóres, tamquam non habéntes sint; et qui flent, tamquam non flentes; et qui gaudent, tamquam non gaudentes; et qui emunt, tamquam non possidéntes; et qui utúntur hoc mundo, tamquam non utántur; præterit enim figúra hujus mundi. Volo autem vos sine sollicitúdine esse. Qui sine uxóre est, sollicitus est, quæ Dómini sunt, quómodo pláceat Deo. Qui autem cum uxóre est, sollicitus est, quæ sunt mundi, quómodo pláceat uxóri, et divísus est. Et múlter

innúpta, et virgo, cógitat quæ Dómini sunt, ut sit sancta corpore et spíritu : in Christo Jesu, Dómino nostro.

**Graduale. Ps. 45, 6 et 5.** Adjuvábít eam Deus vultu suo : Deus in médio ejus, non commovébítur. *ŷ.* Flúminis ímpetus lætíficat civitatém Dei : sanctificávit tabernáculum suum Altíssimus.

**Tractus.** Veni, sponsa Christi, áccipe corónam, quam tibi Dóminus præparávit in ætérnum : pro cujus amóre sánguinem tuum fudísti. *ŷ.* **Ps. 44, 8 et 5.** Dilexísti justítiam, et odísti iniquitatém : proptérea unxit te Deus, Deus tuus, óleo lætitiæ præ consórtibus tuis. *ŷ.* Spécie tua, et pulchritúdine tua inténde, prospere procéde, et regna.

**Tempore Paschali, omissis Graduali et Tractu, dicitur :**

**Allelúja, allelúja.** *ŷ.* Hæc est Virgo sápiens, et una de número prudéntum. **Allelúja.** *ŷ.* **Sap. 4, 1.** O quam pulchra est casta generatio cum claritáte! **Allelúja.**



Sequéntia sancti Evangélíi  
secúndum Matthæum

**Matth. 13, 44-52**

**I**N illo témpore : Dixit Jesus discipulis suis parábolam hanc : Símile est regnum cælórum thesauro abscondito in agro : quem qui invénit homo, abscondit, et præ gáudio illius vadit, et vendit univérsa, quæ habet, et emit agrum illum. Iterum símile est regnum cælórum hómini negotiátóri, quærénti bonas margarítas. Invénta autem una pretiósa margaríta, ábiit, et véndidit ómnia, quæ hábuit, et emit eam.



Iterum simile est regnum cælorum sagænæ missæ in mare, et ex omni genere piscium congreganti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sæculi : exhibunt Angeli, et separábunt malos de médio justórum, et mittent eos in camínium ignis : ibi erit fletus, et stridor dentium. Intellexistis hæc ómnia? Dicunt ei : Etiam. Ait illis : Ideo omnis scriba doctus in regno cælorum similis est hómini patrifamílias, qui profert de thesauro suo nova et vétera.

**Offertorium. Ps. 44, 3.** Diffusa est grátia in lábiis tuis : propterea benedixit te Deus in ætérnum, et in sæculum sæculi (T. P. allelúja).

#### Secreta

**I**NTÉNDE, quæsumus, Dómine, múnera altáribus tuis pro sanctárum septem Virgínium et Mártyrum tuárum festivitáte propósita : ut, sicut per hæc beáta mystéria illis glóriam contulísti : i'a nobis indulgéntiam largiáris. Per Dóminum.

**Communio. Ps. 118, 121, 122 et 128.** Feci iudícium et justítiam, Dómine, non calumniéntur mihi supérbi : ad ómnia mandáta tua dirigébar, omnem viam iniquitátis ódio hábui (T. P. allelúja).

#### Postcommunio

**P**RÆSTA nobis, quæsumus, Dómine, intercedéntibus sanctis septem Virgínibus et Martýribus tuis : ut, quod ore contingimus, pura mente capiámus. Per Dóminum.

DIE 12 APRILIS

Ss. SABBÆ et SOCIORUM

MARTYRUM SIRMIENSIIUM

Extra Tempus Paschale Missa Sapiéntiam, de Comm. plurim. Martyrum 2º loco.

Tempore Paschali

Introitus Ps. 144, 10-11



ANCTI tui, Dómine, benedícent te : glóriam regni tui dicent, allelúja, allelúja.

**Ps. ibid., 1.** Exaltábo te, Deus meus, Rex : et benedicam nómini tuo in sæculum, et in sæculum sæculi. **ŷ.** Glória Patri. **Sancti.**

#### Oratio

**D**EUS, qui nos concédís sanctórum Mártyrum tuórum Sabbæ et Sociórum ejus natalítia cólere : da nobis in ætérna beatitúdine de eórum societáte gaudére. Per Dóminum.

Léctio Epístolæ beáti Petri Apóstoli **1 Petr. 1, 3-7**

**B**ENEDÍCTUS Deus et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hereditátem incorruptibilem, et incontaminátam, et immarcescibilem, conservátam in cælis in vobis, qui in virtúte Dei custodímini per fidem in salútem, parátam revelári in témpore novíssimo. In quo exsultábitis, módicum nunc si opórtet contristári in váriis tentationibus : ut probátio vestræ fidei multo pretiosior auro (quod per ignem probátur)



inveniatur in laudem, et glóriam, et honórem, in revelatióne Jesu Christi Dómini nostri.

Allelúja, allelúja. *ŷ.* Sancti tui, Dómine, florébunt sicut lílium : et sicut odor bálsami erunt ante te. Allelúja. *ŷ.* Ps. 115, 15. Pretiósá in conspéctu Dómini mors Sanctórum ejus. Allelúja.



Sequéntia sancti Evangélii  
secúndum Joánnem

Joann. 15, 5-11

**I**n illo témpore : Dixit Jesus discí-  
pulis suis : Ego sum vitis, vos  
pálmites : qui manet in me, et ego  
in eo, hic fert fructum multum :  
quia sine me nihil potéstis fácere.  
Si quis in me non mánserit, mit-  
tétur foras sicut palmes, et aréscet,  
et cólligent eum, et in ignem mit-  
tent, et ardet. Si manséritis in me,  
et verba mea in vobis mánserint :  
quodcúmque voluéritis, petétis, et  
fiet vobis. In hoc clarificátus est  
Pater meus, ut fructum plúrimum  
afferátis, et efficiámini mei disci-  
puli. Sicut diléxit me Pater, et ego  
diléxi vos. Manéte in dilectiône  
mea. Si præcépta mea servavéritis,  
manébitis in dilectiône mea, sicut  
et ego Patris mei præcépta servávi,  
et máneo in ejus dilectiône. Hæc  
locútus sum vobis, ut gáudium  
meum in vobis sit, et gáudium  
vestrum impleátur.

**Offertorium.** Ps. 31, 11. Lætá-  
mini in Dómino, et exsultáte, justi :  
et gloriámini, omnes recti corde,  
allelúja, allelúja.

Secreta

**M**ÚNERA tibi, Dómine, nostræ  
devotiónis offérimus : quæ  
et pro tuórum tibi grata sint honóre

justórum, et nobis salutária, te mi-  
seránte, reddántur. Per Dóminum.

**Communio.** Ps. 32, 1. Gaudéte,  
justi, in Dómino, allelúja : rectos  
deceat collaudátio, allelúja.

Postcommunio

**P**RÆSTA nobis, quæsumus, Dó-  
mine : intercedéntibus sanctis  
Martýribus tuis Sabba et Sóciis  
ejus; ut, quod ore contíngimus,  
pura mente capiámus. Per Dómi-  
num.

DIE 18 APRILIS

Ss. ELEUTHERII Ep. Illyrici  
et ANTHIÆ Matris ejus  
MARTYRUM SIRMIENSIIUM

Extra Tempus Paschale Missa In-  
tret, de Comm. plur. Mm. 1º loco.

Tempore Paschali

Introitus Ps. 144, 10-11



**S**ANCTI tui, Dómine, bene-  
dicent te : glóriam re-  
gni tui dicent, allelúja,  
allelúja. Ps. ibid., 1.  
Exaltábo te, Deus meus, Rex : et  
benedícam nómini tuo in sǎculum,  
et in sǎculum sǎculi. *ŷ.* Glória  
Patri. Sancti.

Oratio

**D**EUS, qui nos ánnua sanctórum  
Mártyrum tuórum Eleuthérii  
et Anthiæ solemnitate lætíficas :  
concéde propítius; ut, quorum  
gaudémus méritis, accendámur ex-  
émplis. Per Dóminum.

Léctio Epístolæ beáti Petri Apó-  
stoli 1 Petr. 1, 3-7

**B**ENEDÍCTUS Deus et Pater Dó-  
mini nostri Jesu Christi, qui  
secúndum misericórdiam suam ma-



gnam regenerávit nos in spem vivam, per resurrectionem Jesu Christi ex mórtuis, in hereditatem incorruptibilem, et incontaminatam, et immarcescibilem, conservatam in cælis in vobis, qui in virtute Dei custodimini per fidem in salutem, paratam revelari in tempore novissimo. In quo exsultabitis, modicum nunc si oportet contristari in variis tentationibus : ut probatio vestrae fidei multo pretiosior auro (quod per ignem probatur) inveniatur in laudem, et gloriam, et honorem, in revelatione Jesu Christi Domini nostri.

**Allelúja, allelúja.** *ŷ.* Sancti tui, Domine, florébunt sicut lílium : et sicut odor bálsami erunt ante te. **Allelúja.** *ŷ.* **Ps. 115, 15.** Pretiosa in conspectu Domini mors Sanctórum ejus. **Allelúja.**



Sequéntia sancti Evangélíi  
secúndum Joánnem

**Joann. 15, 5-11**

**I**N illo tempore : Dixit Jesus discipulis suis : Ego sum vitis, vos palmites : qui manet in me, et ego in eo, hic fert fructum multum : quia sine me nihil potestis facere. Si quis in me non manserit, mittetur foras sicut palmes, et arescet, et colligent eum, et in ignem mittent, et ardet. Si manseritis in me, et verba mea in vobis manserint : quodcúmque volueritis, petetis, et fiet vobis. In hoc clarificatus est Pater meus, ut fructum plurimum afferatis, et efficiamini mei discipuli. Sicut dilexit me Pater, et ego dilexi vos. Manete in dilectione mea. Si praecepta

mea servaveritis, manebitis in dilectione mea, sicut et ego Patris mei praecepta servavi, et maneo in ejus dilectione. Hæc locutus sum vobis, ut gaudium meum in vobis sit, et gaudium vestrum impleatur.

**Offertorium. Ps. 31, 11.** Lætámini in Domino, et exsultate, justi : et gloriámini, omnes recti corde, allelúja, allelúja.

### Secreta

**O**BLÁTIS, quæsumus, Domine, placare munéribus : et, intercedéntibus sanctis Martýribus tuis Eleuthério et Anthía; a cunctis nos defénde perículis. Per Dominum.

**Communio. Ps. 32, 1.** Gaudete, justi, in Domino, allelúja : rectos decet collaudatio, allelúja.

### Postcommunio

**H**ÆC nos commúnio, Domine, purget a crimine : et intercedéntibus sanctis Martýribus tuis Eleuthério et Anthía; cælestis remédii fáciat esse consórtes. Per Dominum.

DIE 28 APRILIS

**SANCTI POLLIONIS**

**MARTYRIS SIRMIENSIS**

### Introitus

**Ps. 63, 3**

**P**ROTEXISTI me, Deus, a convéntu malignántium, allelúja : a multitudíne operántium iniquitatem, allelúja, allelúja. **Ps. ibid., 2.** Exáudi, Deus, orationem meam cum deprecor : a timóre inimíci éripe ánimam meam. *ŷ.* Glória Patri. **P**ro-  
texisti.



## Oratio

**P**RÆSTA, quæsumus, omnipotens Deus : ut, qui beāti Polliónis Mártyris tui natalítia cólimus, intercessióne ejus, in tui nóminis amore roborémur. Per Dóminum.

Et fit Com. S. Pauli a Cruce Conf. :

## Oratio

**D**ÓMINE Jesu Christe, qui, ad mystérium crucis prædicándum, sanctum Paulum singulári caritáte donásti, et per eum novam in Ecclesiá familiam floréscere voluísti : ipsius nobis intercessióne concéde; ut, passióem tuam júgiter recoléntes in terris, ejúsdem fructum cósequi mereámur in cælis.

Deinde Com. S. Vitalis Mart. :

## Oratio

**P**RÆSTA, quæsumus, omnipotens Deus : ut, intercedénte beáto Vitále Mártyre tuo, et a cunctis adversitatibus liberémur in córpore, et a pravis cogitatióibus mundémur in mente. Per Dóminum.

Lectio libri Sapiéntiæ

Sap. 5, 1-5

**S**TABUNT justi in magna constantia adversus eos, qui se angustia-verunt, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperatæ salutis, dicéntes intra se, pœniténtiam agéntes, et præ angústia spíritus geméntes : Hi sunt, quos habúimus aliquándoin derisum, et in similitúdinem improperii. Nos insensáti vitam illórum æstimabámus insániam, et finem illórum sine honóre : ecce quómodo computáti sunt inter filios

Dei, et inter Sanctos sors illórum est.

Allelúja, allelúja. *ŷ. Ps. 88, 6.* Confitebúntur cæli mirabília tua, Dómine : étenim veritátem tuam in ecclésiá sanctórum. Allelúja. *ŷ. Ps. 20, 4.* Posuísti, Dómine, super caput ejus corónam de lápide pretiósó. Allelúja.



Sequéntia sancti Evangélii secúndum Joánnem

Joann. 15, 1-7

**I**N illo témpore : Dixit Jesus discípulis suis : Ego sum vitis vera : et Pater meus agricola est. Omnem pálmitem in me non feréntem fructum, tollet eum : et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me : et ego in vobis. Sicut palmes non potest ferre fructum a semetípso, nisi mánserit in vite : sic nec vos, nisi in me manséritis. Ego sum vitis, vos pálmities : qui manet in me, et ego in eo, hic fert fructum multum : quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint : quodcúmque voluéritis, petétis, et fiet vobis.

Offertorium. *Ps. 88, 6.* Confitebúntur cæli mirabília tua, Dómine : et veritátem tuam in ecclésiá sanctórum, allelúja, allelúja.

## Secreta

**M**UNÉRIBUS nostris, quæsumus, Dómine, precibúisque suscep-tis : et cæléstibus nos munda my-



stérjis, et cleménter exáudi. Per Dóminum.

*Pro S. Paulo a Cruce Secreta*

**C**ÆLÉSTEM nobis, Dómine, præbeant mystéria hæc passiónis et mortis tuæ fervórem : quo sanctus Paulus, ea offeréndo, corpus suum hóstiam vivéntem, sanctam, tibique placéntem exhibuit.

*Pro S. Vitale Secreta*

**A**CCÉPTA sit in conspéctu tuo, Dómine, nostra devótio : et ejus nobis fiat supplicatióne salutaris, pro cujus solemnitate defératur. Per Dóminum.

**Communio.** *Ps. 63, 11.* Lætábitur justus in Dómino, et sperábit in eo : et laudabúntur omnes recti corde, allelúja, allelúja.

**Postcommunio**

**D**A, quæsumus, Dómine, Deus noster : ut, sicut tuórum commemoratióne Sanctorum, temporáli gratulamur officio : ita perpétuo lætémur aspéctu. Per Dóminum.

*Pro S. Paulo a Cruce*

**Postcommunio**

**S**ÚMPSIMUS, Dómine, divinum sacraméntum, imménsæ caritátis tuæ memoriále perpétuum : tríbe, quæsumus; ut, sancti Pauli méritis et imitatióne, aquam de fóntibus tuis hauriamus in vitam ætérnam saliéntem, et tuam sacratíssimam passióem córdibus nostris imprésam móribus et vita teneámus.

*Pro S. Vitale Postcommunio*

**R**EFÉCTI participatióne múnieris sacri, quæsumus, Dómine, Deus noster : ut, cujus exséquimur cultum, intercedénte beáto Vitale Mártire tuo, sentiámus efféctum. Per Dóminum.

## FESTA MAJI

DIE 4 MAJI

SANCTI FLORIANI

MARTYRIS

**Introitus**

**Ps. 63, 3**



**P**ROTEXISTI me, Deus, a convéntu malignántium, allelúja : a multitudíne operántium iniquitátem, allelúja, allelúja. *Ps. ibid., 2.* Exáudi, Deus, oratióem meam, cum déprecor : a timóre inimíci éripe ánimam meam. *ŷ.* Glória Patri. Protexísti.

**Oratio**

**D**EUS, qui nos beáti Floriáni Mártiris tui solemnitate lætíficas : concéde propítius; ut, cujus glóriósum triúmphum venerámur in terris, societátis ejus lætítia adipísci mereámur in cælis. Per Dóminum.

**Et fit Com. S. Monicæ Viduæ :**

**Oratio**

**D**EUS, mæréntium consolátor et in te sperántium salus, qui beátæ Mónica piás lácrimas in conversiόne filii sui Augustíni misericórditer suscepísti : da nobis utriúsque intervéntu; peccáta nostra deploráre, et grátiae tuæ indulgéntiam inveníre. Per Dóminum.

Léctio Epístolæ beáti Petri Apóstoli **1 Petri 1, 3-7**

**B**ENEDÍCTUS Deus et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectiόnem Jesu Christi ex



mórtuis, in hereditátem incorruptibilem, et incontaminátam, et immarcescibilem, conservátam in cælis in vobis, qui in virtúte Dei custodimini per fidem in salutem, parátam revelári in témpore novissimo. In quo exsultábitis, módicum nunc si opórtet contristári in váriis tentatiónibus : ut probátio vestræ fidei multo pretiósior auro (quod per ignem probátur) inveniátur in laudem, et glóriam, et honórem, in revelatióne Jesu Christi Dómini nostri.

**Allelúja, allelúja. *ꝑ. Ps. 88, 6.*** Confitebúntur cæli mirabilia tua, Dómine : etenim veritatem tuam in ecclésia sanctórum. **Allelúja. *ꝑ. Ps. 20, 4.*** Posuisti, Dómine, super caput ejus coronam de lapide pretioso. Allelúja.



Sequéntia sancti Evangélíi  
secúndum Joánnem

**Joann. 15, 1-7**

**I**N illo témpore : Dixit Jesus discípulis suis : Ego sum vitis vera : et pater meus agricola est. Omnem pálmitem in me non ferentem fructum, tollet eum : et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me : et ego in vobis. Sicut palmes non potest ferre fructum a semetípso, nisi mánserit in vite : sic nec vos, nisi in me manséritis. Ego sum vitis, vos pálmities : qui manet in me, et ego in eo, hic fert fructum multum : quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum,

et in ignem mittent, et ardet. Si manséritis in me, et verba mea in vobis mánserint : quodcúmque volúeritis petétis, et fiet vobis.

**Offertorium. Ps. 88, 6.** Confitebúntur cæli mirabilia tua, Dómine : et veritatem tuam in ecclésia sanctórum, allelúja, allelúja.

### Secreta

**H**ANC oblatiõem, quæsumus, omnipotens Deus, beáti Floriáni Mátyris tui digna comméndet orátio : qui, sancto caritátis tuæ vínculo devíctus, se ipsum obtulit sacrificium tibi in odórem suavitátis. Per Dóminum.

**Pro S. Monica**      **Secreta**

**A**CCEPTA tibi sit, Dómine, sacrátæ plebis oblátio pro tuórum honóre Sanctórum : quorum se méritis de tribulatióne percepisse cognóscit auxílium. Per Dóminum.

**Communio. Ps. 63, 11.** Lætábitur justus in Dómino, et sperábit in eo : et laudabúntur omnes recti corde, allelúja, allelúja.

### Postcommunio

**S**ANCTA nobis, quæsumus, Dómine, sacraménti cæléstis participatió ab hóstium cállido tueátur incúrsu : et sancti Floriáni Mátyris tui intercedéntibus méritis remédia salutis cónferat sempitérna. Per Dóminum.

**Pro S. Monica**

### Postcommunio

**S**ATIÁSTI, Dómine, familiam tuam munéribus sacris : ejus, quæsumus, semper interventióne nos réfove, cujus solémnia celebrámus. Per Dóminum.



DIE 16 MAJI

**S. JOANNIS NEPOMUCENI**

MARTYRIS

(Pro Ecclesiis S. Joannis)

Introitus Eccli. 51, 30

**D**EDIT mihi Dóminus linguam mercédem meam : et in ipsa laudábo eum (T. P. allelúja, allelúja).

Ps. 38, 2. Dixi : Custódiam vias meas, ut non delínquam in lingua mea. *ŷ.* Glória Patri. Dedit.

Oratio

**D**EUS, qui ob invíctum beáti Joánnis sacramentále siléntium nova Ecclésiám tuam martýrii coróna decorásti : da; ut, ejus exémplo et intercessióne, ori nostro custódiam ponéntes, beátis, qui lingua non sunt lapsi, annumerémur. Per Dóminum.

Et, in Missis privatis, fit Com. S. Ubaldi Ep. et Conf. :

Oratio

**A**UXÍLIUM tuum nobis, Dómine, quæsumus, placátus impénde : et, intercessióne beáti Ubaldi Confessoris tui atque Pontíficis, contra omnes diabóli nequítias dexteram super nos tuæ propitiatiónis exténde. Per Dóminum.

Lectio libri Sapiéntiæ

Eccli. 21, 26-31

**S**TULTUS a fenestra respíciet in domum : vir autem eruditus foris stabit. Stultítia hóminis auscultáre per óstium : et prudens gravábitur contumélia. Lábia imprudentium stulta narrábunt : verba autem prudentium statéra ponde-

rabúntur. In ore fatuórum cor illórum : et in corde sapiéntium os illórum. Dum maledícit impius diabolum, maledícit ipse ánimam suam. Susúrro coinquinábit ánimam suam, et in ómnibus odiétur : et, qui cum eo mánserit, odiósus erit : táctus et sensátus honorábitur.

**Graduale.** Prov. 11, 13. Qui ámbulat fraudulénter, revélat arcána : qui autem fidélis est ánimi, celat. *ŷ.* Ps. 14, 1 et 3. Dómine, quis habitábit in tabernáculo tuo, aut quis requiészet in monte sancto tuo? Qui non egit dolum in lingua sua : nec fecit próximo suo malum.

Allelúja, allelúja. *ŷ.* Eccli. 25, 11. Beátus, qui lingua sua non est lapsus, et qui non servívit indignis se. Allelúja.

**Tempore Paschali omittitur Graduale, et ejus loco dicitur :**

Allelúja, allelúja. *ŷ.* Eccli. 25, 11. Beátus, qui lingua sua non est lapsus, et qui non servívit indignis se. Allelúja. *ŷ.* Prov. 10, 31. Lingua pravórum períbit : lingua autem sapiéntium est sánitas. Allelúja.



Sequéntia sancti Evangélíi secúndum Matthæum

Matth. 11, 2-10

**I**N illo témpore : Cum audísset Joánnes in vínculis ópera Christi, mittens duos de discíplis suis, ait illi : Tu es qui ventúrus es, an álium exspectámus? Et respóndens Jesus, ait illis : Eúntes renuntiáte Joánni, quæ audístis et vidístis. Cæci vident, claudi ámbulant, leprósi mundántur, surdi áudiunt, mórtui resúrgunt, páuperes evangelizántur : et beátus est, qui non fúerit scandalizátus in me. Illis autem



abeúntibus, cœpit Jesus dicere ad turbas de Joanne : Quid existis in désertum vidére? arúndinem vento agitatam? Sed quid existis vidére? hóminem móllibus vestítum? Ecce qui móllibus vestiúntur, in dómibus regum sunt. Sed quid existis vidére? Prophétam? Etiam dico vobis, et plus quam prophétam. Hic est enim, de quo scriptum est : Ecce ego mitto Angelum meum ante fáciem tuam, qui præparábit viam tuam ante te.

**Credo, et dicitur per Octavam.**

**Offertorium. Eccli. 42, 1.** Non dúplices sermónem de revelatióne sermónis absconditi, et eris vere sine confusióne : et invénies grátiam in conspéctu ómnium hóminum (T. P. allelúja).

**Secreta**

**H**ÆC tua, Dómine, sacra mystéria illum in nobis, quæsumus, ignem accendant : quo ínclytus Martyr et Sacerdos tuus Joánnes, ea peragéndo, flagrábat. Per Dóminum.

**Pro S. Ubaldo**

**Secreta**

**S**ANCTI tui, quæsumus, Dómine, nos ubique lætifícent : ut, dum eórum mérita recólimus, patrocínia sentiámus. Per Dóminum.

**Communio. Is. 6, 6-7.** Volávit ad me unus de Séraphim : et in manu ejus cálculus, quem túlerat de altári, et tétigit os meum (T. P. allelúja).

**Postcommunio**

**F**RAGILITÁTEM nostram, Dómine, cæléstis hæc mensa fórtium pane confírmes : qui beáti Mártyris et Sacerdótis tui Joánnis tentátam contra honórem sacraménti constántiam, júgiter áluit ad victóriam. Per Dóminum.

**Pro S. Ubaldo**

**Postcommunio**

**P**RÆSTA, quæsumus, omnipotens Deus : ut, de percéptis munéribus grátias exhibéntes, intercedénte beáto Ubáldo Confessóre tuo atque Pontífice, beneficia potióra sumámus. Per Dóminum.



DIE 24 MAJI

**B. MARIE VIRG.**

**SUB TITULO**

**AUXILIUM CHRISTIANORUM**

(Pro Ecclesiis B. Mariæ Virg. sub hoc titulo)

**Missa Salve, sancta Parens, de Comm. Fest. B. Mariæ Virg., præter Orationes sequentes :**

**Oratio**

**O**MNÍPOTENS et miséricors Deus, qui ad defensiónem pópuli christiáni in beatíssima Virgine María perpétuum auxiliúm mirabiliter constituisti : concéde propítius; ut tali præsidio muniti, certántes in vita, victóriam de hoste maligno cónsequi valeámus in morte. Per Dóminum.

**Secreta**

**P**RO religiónis cristiánæ triúmphi hóstias placatiónis tibi, Dómine, immolámus : quæ ut nobis proficiant, opem auxiliátrix Virgo præstet; per quam talis perfectá est victória. Per Dóminum.

**Postcommunio**

**A**DÊSTO, Dómine, pópulis, qui participatióne cörperis et sanguinis tui reficiúntur : ut sanctíssima tua Genitríce auxiliánte, ab



omni malo et periculo liberentur, et in omni opere bono custodiantur : Qui vivis.

## FESTA JUNII

DIE 4 JUNII  
SANCTI QUIRINI SISCIENSIS  
EPISCOPI ET MART.

Extra Tempus Paschale Missa  
Statuit, de Communi unius Mar-  
tyris Pontificis 1º loco.

Tempore Paschali  
Introitus Ps. 63, 3

**P**ROTEXISTI me, Deus, a  
conventu malignantium,  
allelúja : a multitudi-  
ne operantium iniquitatem,  
allelúja, allelúja. Ps. *ibid.*, 2. Ex-  
audi, Deus, orationem meam, cum  
deprecor : a timore inimici eripe  
animam meam. *ŷ.* Glória Patri.  
Protexisti.

### Oratio

**I**NFIRMITATEM nostram respice, om-  
nipotens Deus : et, quia pon-  
dus propriæ actionis gravat, beati  
Quirini Martyris tui atque Ponti-  
ficis intercessio gloriósa nos pró-  
tegat. Per Dóminum.

Et fit Com. S. Francisci Carac-  
ciolo Conf. :

### Oratio

**D**EUS, qui beátum Franciscum, no-  
vi ordinis institutorem, orandi  
studio et pœnitentiæ amore deco-  
rasti : da famulis tuis in ejus imi-  
tatione ita proficere; ut, semper  
orantes et corpus in servitutem re-  
digentes, ad cælestem glóriam per-  
venire mereantur. Per Dóminum.

Lectio Epistolæ beati Jacobi Apó-  
stoli Jac. 1, 12-18

**C**ARÍSSIMI : Beátus vir, qui suf-  
fert tentationem : quóniam,  
cum probátus fúerit, accípiet coró-  
nam vitæ, quam repromisit Deus  
diligéntibus se. Nemo, cum tentá-  
tur, dicat, quóniam a Deo tentátur :  
Deus enim intentátor malórum est :  
ipse autem néminem tentat. Unus-  
quisque vero tentátur a concupi-  
scéntia sua abstráctus et illéctus.  
Deínde concupiscéntia cum con-  
céperit, parit peccátum : peccátum  
vero cum consummátum fúerit,  
générat mortem. Nolite itaque er-  
râre, fratres mei dilectissimi. Omne  
datum optimum, et omne donum  
perfectum desúrsum est, descén-  
dens a Patre lúminum, apud quem  
non est transmutatio nec vicissitú-  
dinis obumbratio. Voluntárie enim  
génuit nos verbo veritátis, ut simus  
inítiū áliquod creatúræ ejus.

Allelúja, allelúja. *ŷ.* Ps. 88, 6.  
Confitebúntur cæli mirabilia tua,  
Dómine : etenim veritatem tuam in  
ecclésia sanctorum. Allelúja. *ŷ.* Ps.  
20, 4. Posuisti, Dómine, super ca-  
put ejus corónam de lápide pre-  
tioso. Allelúja.



Sequéntia sancti Evangélii se-  
cúndum Joánnem

Joann. 15, 1-7

**I**N illo témpore : Dixit Jesus di-  
scípulis suis : Ego sum vitis  
vera : et Pater meus agricola est.  
Omnem pálmitem in me non fe-  
réntem fructum, tollet eum : et  
omnem, qui fert fructum, purgábit  
eum, ut fructum plus áfferat. Jam  
vos mundi estis propter sermónem,  
quem locútus sum vobis. Manéte



in me : et ego in vobis. Sicut palmes non potest ferre fructum a semetipso, nisi manserit in vite : sic nec vos, nisi in me manseritis. Ego sum vitis, vos palmites : qui manet in me, et ego in eo, hic fert fructum multum : quia sine me nihil potestis facere. Si quis in me non manserit, mittetur foras sicut palmes, et arescet, et colligent eum, et in ignem mittent, et ardet. Si manseritis in me, et verba mea in vobis manserint : quodcunque volueritis petetis, et fiet vobis.

**Offertorium. Ps. 88, 6.** Confitebuntur cæli mirabilia tua, Dómine : et veritatem tuam in ecclesia sanctorum, allelúja, allelúja.

**Secreta**

**H**ÓSTIAS tibi, Dómine, beati Quirini Mártiris tui atque Pontificis dicatas méritis, benignus assume : et ad perpétuum nobis tribue provenire subsidium. Per Dñm.

*Pro S. Francisco Caracciolo*  
**Secreta**

**D**A nobis, clementissime Jesu : ut, præclara beati Francisci mérita recolentes, eodem nos, ac ille, caritatis igne succensi, digne in circuitu sacræ hujus mensæ tuæ esse valeamus : Qui vivis.

**Communio. Ps. 63, 11.** Lætabitur justus in Dómino, et sperabit in eo : et laudabuntur omnes recti corde, allelúja, allelúja.

**Postcommunio**

**R**EFÉCTI participatióne muneris sacri, quæsumus, Dómine Deus noster : ut, cujus exsequimur cultum, intercedente beato Quirino Mártire tuo atque Pontífice, sentiamus effectum. Per Dóminum.

*Pro S. Francisco Caracciolo*  
**Postcommunio**

**S**ACROSÁNTI sacrificii, quæsumus, Dómine, quod hódie in sollemnitate beati Francisci tuæ obtulimus majestati, grata semper in mentibus nostris memoria perseveret et fructus. Per Dóminum.



DIE 27 JUNII

**SANCTI LADISLAI**

RÉGIS, CONFESSORIS

(Pro Ecclesiis S. Ladislai.)

**Introitus Ps. 36, 30-31**



**O**s justi meditabitur sapientiam, et lingua ejus loquetur judicium : lex Dei ejus in corde ipsius. **Ps. ibid., 1.** Noli æmulari in malignantibus : neque zelaveris facientes iniquitatem. **ŷ.** Glória Patri. **Os** justi.

**Oratio**

**D**EUS, qui beatum regem Ladisláum Confessorem tuum diversis decorasti miraculis : præsta, quæsumus ; ut ejus suffragantibus méritis ab omnibus semper muniamur adversis, et gaudiis perfruamur æternis. Per Dóminum.

Lectio libri Sapientię

**Sap. 10, 10-14**


**J**USTUM deduxit Dóminus per vias rectas, et ostendit illi regnum Dei, et dedit illi scientiam sanctorum : honestavit illum in laboribus, et complévit labores illius. In fraude circumvenientium illum affuit illi, et honestum fecit illum. Custodivit illum ab inimicis, et a



seductóribus tutávit illum, et certámen forte dedit illi, ut vínceret, et sciret, quóniam ómnium poténtior est sapiéntia. Hæc vënditum justum non derelíquit, sed a peccatóribus liberávit eum : descendítque cum illo in fóveam, et in vínculis non derelíquit illum, donec afféret illi sceptrum regni, et poténtiam advérsus eos, qui eum deprimébant; et mendáces osténdit, qui maculavérunt illum, et dedit illi claritátem ætérnam, Dóminus, Deus noster.

**Graduale. Ps. 91, 13 et 14.** Justus ut palma florébit : sicut cedrus Líbani multiplicábitur in domo Dómini. **ŷ. Ibid., 3.** Ad annuntiándum mane misericórdiam tuam, et veritátem tuam per noctem.

**Allelúja, allelúja. ŷ. Jac. 1, 12.** Beátus vir, qui suffert tentatiónem : quóniam, cum probátus fúerit, accípiet coronám vitæ. Allelúja.

 Sequéntia sancti Evangélii secúndum Lucam **Luc. 12, 35-40**

**I**N illo témpore : Dixit Jesus discípulis suis : Sint lumbi vestri præcíncti, et lucérnæ ardéntes in má nibus vestris, et vos símiles homínibus exspectántibus dóminum suum, quando revertátur a núptiis : ut, cum vénerit et pulsáverit, conféstim apériant ei. Beáti servi illi, quos, cum vénerit dóminus, invénerit vigilántes : amen, dico vobis, quod præcinget se, et fáciat illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam, si sciret paterfamílias, qua hora fur veníret, vigiláret útique, et non sí-

neret pérfodi domum suam. Et vos estóte paráti, quia, qua hora non putátis, Fílius hóminis véniet.

**Credo, et dicitur per Octavam.**

**Offertorium. Ps. 88, 25.** Véritas mea et misericórdia mea cum ipso : et in nómine meo exaltábitur cornu ejus.

**Secreta**

**H**ÓSTIAS piæ placatiónis offérimus cleméntiæ tuæ, omnipotens Deus, quas beáti regis Ladislái, Confessóris tui, méritis et préci-bus placátus accípias, et cleménte dispénses. Per Dóminum.

**Communio. Matth. 24, 46-47.** Beátus servus, quem, cum vénerit dóminus, invénerit vigilántem : amen, dico vobis, super ómnia bona sua constituet eum.

**Postcommunio**

**S**ACRAMÉNTA, Dómine, salutária suméntes, cleméntiam tuam humíliter exorámus : ut intercessióne beáti regis Ladislái Confessóris tui, et præsentibus non destituámur subsidiis, et gáudiis perfruámur ætérnis. Per Dóminum.

## FESTA JULII

DIE 4 JULII

COMMEMORATIO

Ss. INNOCENTII et SOCIORUM  
MARTYRUM SIRMIENSIIUM

Oratio

**D**EUS, qui nos concédis sanctórum Mártyrum tuórum Innocéntii et Sociórum ejus natalítia cólere : da nobis in ætérna beatitúdine de eórum societáte gaudére. Per Dóminum.



## Secreta

**M**ÚNERA tibi, Dómine, nostræ devotiõnis offérimus : quæ et pro tuórum tibi grata sint honóre justórum, et nobis salutária, te miseránte, reddántur. Per Dóminum.

## Postcommunio

**P**RÆSTA nobis, quæsumus, Dómine, intercedéntibus sanctis Martýribus tuis Innocéntio et Sóciis ejus; ut, quod ore contíngimus, pura mente capiámus. Per Dñum.

DIE 5 JULII

## SS. CYRILLI ET METHODII

EPISCOPORUM ET CONFESSORUM

PATRONORUM PROVINCIAE ECCLESIASTICAE CROATICO-SLAVONICAE

## Introitus Ps. 131, 9-10

**S**ACERDÓTES tui, Dómine, induant justítiam, et sancti tui exsúltent : propter David servum tuum, non avértas fáciem Christi tui. **Ps. ibid., 1.** Memento, Dómine, David, et omnis mansuetúdinis ejus. **ꝫ.** Glória Patri. **Sacerdótes.**

## Oratio

**O**MNÍPOTENS sempitérne Deus, qui nos ad unitátem fidei christiánæ per beátos Cyrillum et Methódium Confessóres tuos atque Pontífices misericórditer vocáre dignátus es : præsta, quæsumus; ut, qui præsentí eórum solemnitáte mérito lætámur, ipsórum piis précibus ad glóriam perveníre mereámur ætérnam. Per Dóminum.

**Et, in Missis privatis, fit Com. S. Antonii Mariæ Zaccaria Conf. :**

## Oratio

**F**AC nos, Dómine Deus, supere-minéntem Jesu Christi sciéntiam, spíritu Pauli Apóstoli edí-

scere : qua beátus Antónius María mirábiliter eruditus, novas in Ecclésia tua clericórum et vírginum famílias congregávit. Per eúmdem Dóminum.

Léctio Epístolæ beáti Pauli Apóstoli ad Hebræos

Hebr. 7, 23-27

**F**RATRES : Plures facti sunt sacerdótes, idcirco quod morte prohiberéntur permanére : Jesus autem, eo quod máneat in ætérnum, sempitérnum habet sacerdotium. Unde et salváre in perpétuum potest accedéntes per semetípsum ad Deum : semper vivens ad interpellándum pro nobis. Talis enim decébat, ut nobis esset pón tifex, sanctus, innocens, impolútus, segregátus a peccatóribus, et excélsior cælis factus : qui non habet necessitátem quotidie, quemádmódum sacerdótes, prius pro suis delíctis hóstias offérre, deínde pro pópuli : hoc enim fecit semel, seípsum offeréndo, Jesus Christus, Dóminus noster.



**Graduale. Ps. 131, 16-17.** Sacerdotes ejus induam salutari : et sancti ejus exsultatione exsultabunt. **ꝛ.** Illuc producam cornu David : paravi lucernam Christo meo.

**Allelúja, allelúja. ꝛ. Ps. 109, 4.** Juravit Dominus, et non poenitebit eum : Tu es sacerdos in ætérnum, secundum órđinem Melchisedech. Allelúja.

**In Missis votivis post Septuagesimam, omissis Allelúja et Versu sequenti dicitur :**

**Tractus. Ps. 111, 1-3.** Beátus vir, qui timet Dóminum : in mandátis ejus cupit nimis. **ꝛ.** Potens in terra erit semen ejus : generatio rectórum benedicetur. **ꝛ.** Glória et divitiæ in domo ejus : et justitia ejus manet in sæculum sæculi.

**Tempore autem Paschali omittitur Graduale, et ejus loco dicitur :**

**Allelúja, allelúja. ꝛ. Ps. 109, 4.** Juravit Dominus, et non poenitebit eum : Tu es sacerdos in ætérnum, secundum órđinem Melchisedech. Allelúja. **ꝛ. Eccli. 45, 9.** Amavit eum Dóminus, et ornávit eum : stolam glóriæ induit eum. Allelúja.



Sequéntia sancti Evangélii secundum Matthæum

**Matth. 24, 42-47**

**I**n illo tēpore : Dixit Jesus discípulis suis : Vigilate, quia nescitis qua hora Dóminus vester ventúrus sit. Illud autem scitote, quóniam, si sciret paterfamílias qua hora fur ventúrus esset, vigilaret útique, et non sīneret pērfodi domum suam. Ideo et vos estote parāti : quia qua nescitis hora, Fílius hóminis ventúrus est. Quis, putas,

est fidélis servus, et prudens, quem constituit dóminus super famíliam suam, ut det illis cibum in tēpore? Beátus ille servus, quem, cum vénerit dóminus ejus, invenerit sic faciéntem. Amen dico vobis, quóniam super ómnia bona sua constituet eum.

**Credo, et dicitur per Octavam.**

**Offertorium. Ps. 88, 25.** Véritas mea et misericórdia mea cum ipso : et in nómine meo exaltabitur cornu ejus.

**Secreta**

**S**ANCTORUM Cyrilli et Methódii, Confessorum tuórum atque Pontíficum, quæsumus, Dómine, ánnua solémnitas pietáti tuæ nos reddat accéptos : ut, per hæc piæ placatiónis officia et illos beáta retribútio comitétur, et nobis grátia tuæ dona conciliet. Per Dóminum.

**Pro S. Antonio Zaccaria**

**Secreta**

**A**d mensam cælestis convívii fac nos, Dómine, eam mentis et córporis puritatem afférre, qua beátus Antónius María, hanc sacratissimam hóstiám offerens, mirífice ornátus enítuit. Per Dóminum.

**Communio. Matth. 24, 46-47.**

Beátus servus, quem, cum vénerit dóminus, invenerit vigilántem : amen dico vobis, super ómnia bona sua constituet eum.

**Postcommunio**

**D**EUS, fidélium remunerátor animárum, præsta : ut beatórum Cyrilli et Methódii, Confessorum tuórum atque Pontíficum, quorum venerándam celebrámus festivitátem; précibus indulgéntiam consequámur. Per Dóminum.



*Pro S. Antonio Zaccaria*  
*Postcommunio*

**C**ÆLĒSTI dape qua pasti sumus,  
Dómine Jesu Christe, eo corda  
nostra caritátis igne flamméscant;  
quo beátus Antónius Maria salu-  
táris hóstiæ vexillum, contra Ec-  
clésiæ tuæ hostes, éxtulit ad victó-  
riam : Qui vivis.

DIE 6 JULII

IN OCTAVA Ss. PETRI *et* PAULI  
APOSTOLORUM

Com. Oñ. Ss. Cyrilli et Metho-  
dii Epp. et Cc.

DIE 7 JULII

DE III DIE INFRA OCTAVAM  
Ss. CYRILLI ET METHODII

Missa ut in die festo.

DIE 8 JULII

SANCTÆ ELISABETH  
REGINÆ, VIDUÆ

Com. Oñ. Ss. Cyrilli et Metho-  
dii Epp. et Cc.

DIE 9 JULII

DE V DIE INFRA OCTAVAM

Ss. CYRILLI ET METHODII

Missa ut in die festo.

DIE 10 JULII

Ss. SEPTEM FRATRUM *Mm.*  
*ac* RUFINÆ *et* SECUNDÆ  
VIRGINUM ET MARTYRUM

Com. Oñ. Ss. Cyrilli et Metho-  
dii Epp. et Cc.

DIE 11 JULII

DE VII DIE INFRA OCTAVAM  
Ss. CYRILLI ET METHODII

Missa ut in die festo.

Com. S. Pii I Papæ et Mart.

DIE 12 JULII

IN OCTAVA  
Ss. CYRILLI *et* METHODII  
EPP. ET CC.

Missa ut in die festo.

Com. S. Joannis Gualberti Conf.  
*et* Ss. Naboris et Felicis *Mm.*

DIE 20 JULII

# SANCTI ELIÆ PROPHETÆ

CONFESSORIS, PATRONI PRINCIPALIS DIŒCESIS BOSNIENSIS

Introitus *Malach. 4, 5-6*



**F**ECCE ego mittam vobis  
Eliam Prophétam, án-  
tequam véniat dies  
Dómini magnus et  
horribilis. Et convér-  
tet cor patrum ad filios, et cor  
filiórum ad patres eórum. *Ps. 66,*

2. Deus misereátur nostri, et be-  
nedícat nobis : illúminet vultum  
suum super nos, et misereátur no-  
stri. *ŷ. Glória Patri. Ecce.*

*Oratio*

**P**RÆSTA, quæsumus, omnípotens  
Deus : ut, qui beátum Eliam  
Prophétam tuum igneo curru mi-



rabíliter elevátum esse crédimus; eódem interveniēte, ad cæléstia sublevémur, et Sanctórum tuórum consórtio gaudeámus. Per Dñum.

*Et, in Missis privatis, fit Com. S. Hieronymi Æmiliani Conf. :*

*Oratio*

**D**EUS, misericordiárum pater, per mérita et intercessiōnem beáti Hierónymi, quem órphanis adjutórem et patrem esse voluísti : concede, ut spíritum adoptiōnis, quo filii tui nominámur et sumus, fidéliter custodiámus. Per Dóminum.

Léctio libri Sapientiæ

*Eccli. 48, 1-10*

**S**URRÉXIT Eliás Prophéta, quasi ignis : et verbum illius quasi fácula ardébat. Qui indúxit in pópulos famem, et irritántes illum invidia sua pauci facti sunt. Non enim póterant sustinére præcépta Dómini. Verbo Dómini continúa cælum, et dejécit de cælo ignem ter. Sic amplificátus est Eliás in mirabílibus suis. Et quis potest similiter sic gloriári tibi? Qui sustulísti mórtuum ab ínferis de sorte mortis in verbo Dómini Dei. Qui dejecísti reges ad perníciam, et confregísti fácale poténtiam ipsórum, et gloriósos de lecto suo. Qui audis in Sina judícium, et in Horeb judícia defensiōnis. Qui ungis reges ad pœniténtiam, et prophétas facis successóres post te. Qui recéptus es in túrbine ignis, in curru equórum igneórum. Qui scriptus es in judíciis témporum leníre iracúndiam Dómini : conciliáre cor patris ad filium, et restituere tribus Jacob.

*Graduale. Ps. 144, 18-19.* Prope est Dóminus ómnibus invocántibus

eum : ómnibus invocántibus eum in veritate. *ꝫ.* Voluntátem timéntium se fáciat, et deprecatiōnem eórum exáudiet : et salvos fáciat eos.

*Allelúja, allelúja. ꝫ. 3. Reg. 18, 36, 38.* Dómine Deus, osténde hódie, quia tu es Deus Israél, et ego servus tuus. Et cécidit ignis Dómini, et vorávit holocáustum. Allelúja, allelúja.



Sequentia sancti Evangélíi  
secúndum Lucam

*Luc. 9, 28-36*

**I**N illo témpore : Assúmpsit Jesus Petrum, Jacóbum et Joánnem, et ascéndit in montem, ut oráret. Et facta est, dum oráret, spécies vultus ejus áltera : et vestitus ejus albus et refúlgens. Et ecce duo viri loquebántur cum illo. Erant autem Móyses et Eliás, visi in majestáte : et dicébant excéssum ejus, quem completúrus erat in Jerúsalem. Petrus vero, et qui cum illo erant, graváti erant somno. Et evigilántes vidérunt majestátem ejus, et duos viros, qui stabant cum illo. Et factum est cum discéderent ab illo, ait Petrus ad Jesum : Præcéptor, bonum est nos hic esse : et faciámus tria tabernácula, unum tibi, et unum Móysi, et unum Eliæ, nésciens quid diceret. Hæc autem illo loquēte, facta est nubes, et obumbrávit eos : et timuérunt, intrántibus illis in nubem. Et vox facta est de nube, dicens : Hic est filius meus diléctus, ipsum audíte. Et dum fieret vox, invéntus est Jesus solus. Et ipsi tacuérunt, et némini dixerunt in illis diébus quidquam ex his, quæ viderant.

*Credo, et dicitur per Octavam.*



**Offertorium. Jac. 5, 17-18.** Elías homo erat símilis nobis passíbilis : et oratióne orávit, ut non plúeret super terram, et non pluit annos tres, et menses sex : et rursum orávit, et cælum dedit plúviam, et terra dedit fructum suum, allelúja.

**Secreta**

**O**FFÉRIMUS tibi, Dómine, hóstiam laudis in honórem sancti Eliæ Prophétæ tui : et sicut tu holocausto illius adfuísti, ita sacrificium nostrum acceptáre dignéris, ut per illud ad ætérnam perveníre mereámur lætítiam. Per Dóminum.

**Pro S. Hieronymo Æmiliano**  
**Secreta**

**C**LEMENTÍSSIME Deus, qui, vétéri hómine consúmpto, novum secúndum te in beáto Hierónymo creáre dignátus es : da, per mérita ipsius : ut nos páriter renováti, hanc placatiónis hóstiam in odórem tibi suavíssimum offerámus. Per Dóminum.

**Communio. 3 Reg. 19, 8.** Comédit Elías, et bibit, et ambulávit in fortitúdine cibi illius usque ad montem Dei, allelúja.

**Postcommunio**

**D**EUS, qui per sanctum Angelum beáto Eliæ Prophétæ tuo cibum et potum tribuísti : ipso interveniéntē concéde, ut, quæ de cælésti mensa percépimus, sincéris méntibus illibáta servémus. Per Dóminum.

**Pro S. Hieronymo Æmiliano**  
**Postcommunio**

**A**NGELÓRUM pane refécti te, Dómine, suppliciter deprecámur : ut, qui ánnuam beáti Hierónymi

Confessóris tui memóriam celebráre gaudémus; ejúsdem étiam et exémplum imitémur, et amplíssimum in regno tuo præmíum obtinére valeámus. Per Dóminum.

DIE 21 JULII

DE II DIE INFRA OCTAVAM

S. ELIÆ PROPHETÆ

Missa ut in die festo.  
Com. S. Praxedis Virg.

DIE 22 JULII

SANCTÆ MARIÆ MAGDALENÆ

PCENITENTIS

Com. Oct. S. Eliæ Prophetæ.

DIE 23 JULII

SANCTI APOLLINARIS

EP. ET MART.

Com. Oct. S. Eliæ et S. Liborii  
Ep. et Conf.

DIE 24 JULII

DE V DIE INFRA OCTAVAM

S. ELIÆ PROPHETÆ

Com. Vigilæ et S. Christinæ  
Virg. et Mart.

DIE 27 JULII

IN OCTAVA SANCTI ELIÆ

PROPHETÆ

Missa ut in die festo.  
Com. S. Pantaleonis Mart.



## FESTA AUGUSTI

DIE 3 AUGUSTI

BEATI AUGUSTINI GAZOTTI

EP. ZAGRAB., CONF.

Introitus Ps. 131, 9-10

**S**ACERDOTES tui, Dómine, induant justítiam, et sancti tui exsúltent : propter David servum tuum, non avértas fáciem Christi tui. **Ps. ibid., 1.** Meménto, Dómine, David : et omnis mansuetúdinis ejus. **ꝛ.** Glória Patri. **Sacerdotes.**

Oratio

**D**EUS, qui Ecclésiæ tuæ in beáto Augustíno Confessóre tuo atque Pontífice boni Pastóris exémpulum providére dignátus es : concede propítius ; ut ejus intercessióne in loco páscuæ tuæ collocári mereámur. Per Dóminum.

Et fit Com. Inventionis S. Stephani Protomart. :

Oratio

**D**A nobis, quæsumus, Dómine, imitári quod cólimus : ut discámus et inimícos diligere ; quia ejus Inventionem celebrámus, qui novit étiam pro persecutóribus exoráre Dóminum nostrum Jesum Christum Fílium tuum : Qui tecum vivit.

Léctio Epístolæ beáti Pauli Apóstoli ad Hebræos **Hebr. 7, 23-27**

**F**RATRES : Plures facti sunt sacerdotes, idcirco quod morte prohiberéntur permanére : Jesus autem, eo quod máneat in ætérnum,

sempitérnum habet sacerdotium. Unde et salváre in perpétuum potest accedéntes per semetípsum ad Deum : semper vivens ad interpelándum pro nobis. Talis enim decébat, ut nobis esset pöntifex, sanctus, innocens, impollútus, segregátus a peccatóribus, et excélsior cælis factus : qui non habet necessitátem quotidie, quemádmódum sacerdotes, prius pro suis delictis hóstias offérre, deínde pro pópuli : hoc enim fecit semel, seípsum offeréndo, Jesus Christus, Dóminus noster.

**Graduale. Ps. 131, 16-17.** Sacerdotes ejus induam salutári : et sancti ejus exsultatióne exsultábunt. **ꝛ.** Illuc producam cornu David : parávi lucérnam Christo meo.

**Allelúja, allelúja. ꝛ. Ps. 109, 4.** Jurávit Dóminus, et non pœnitébit eum : Tu es sacerdos in ætérnum, secúndum órđinem Melchisedech. Allelúja.



Sequéntia sancti Evangélíi secúndum Matthæum

**Matth. 24, 42-47**

**I**N illo témpore : Dixit Jesus discipulis suis : Vigiláte, quia nescítis, qua hora Dóminus vester ventúrus sit. Illud autem scitóte, quóniam, si sciret paterfamilias, qua hora fur ventúrus esset, vigiláret útique, et non sîneret pérfodi domum suam. Ideo et vos estóte paráti : quia qua nescítis hora, Fílius hóminis ventúrus est. Quis, putas, est fidélis servus et prudens, quem constituit dóminus suus super familiam suam, ut det illis cibum in témpore? Beátus ille servus, quem,



cum vènerit dóminus ejus, invènerit sic faciéntem. Amen, dico vobis, quóniam super ómnia bona sua constituet eum.

**Offertorium. Ps. 88, 25.** Véritas mea et misericórdia mea cum ipso: et in nómine meo exaltábitur cornu ejus.

**Secreta**

**S**ANCTI Augustíni Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona conciliet. Per Dóminum.

**Pro Inventione S. Stephani**  
**Secreta**

**S**ÚSCIPE, Dómine, múnera pro tuórum commemoratióne Sanctórum: ut, sicut illos pássio gloriósa effécit; ita nos devótio reddat innócuos. Per Dóminum.

**Communio. Matth. 24, 46-47.** Beátus servus, quem, cum vènerit dóminus, invènerit vigilántem: amen, dico vobis, super ómnia bona sua constituet eum.

**Postcommunio**

**D**EUS, fidélium remunerátor animárum, præsta: ut beáti Augustíni Confessóris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum.

**Pro Inventione S. Stephani**  
**Postcommunio**

**A**UXILIÉNTUR nobis, Dómine, sumpta mystéria: et, intercedénte beáto Stéphano Mártire tuo, sempitérna protectiône confirment. Per Dóminum.

DIE 14 AUGUSTI

IN VIGILIA ASSUMPTIONIS B. M. V.

**Com. S. Ursicii Mart. et S. Eusebii Conf.:**

**Pro S. Ursicio**

**Oratio**

**P**RÆSTA, quæsumus, omnipotens Deus: ut, qui beáti Ursicii Mártiris tui natalítia cólimus, intercessiône ejus, in tui nóminis amóre roborémur.

**Pro S. Eusebio**

**Oratio**

**D**EUS, qui nos beáti Eusebii Confessóris tui ánnua solemnitate lætíficas: concéde propítius; ut, cujus natalítia cólimus, per ejus ad te exémpla gradiámur. Per Dóminum.

**Pro S. Ursicio**

**Secreta**

**M**UNÉRIBUS nostris, quæsumus, Dómine, precibúque susceptis: et cælestibus nos munda mystériis, et cleménter exaudi.

**Pro S. Eusebio**

**Secreta**

**L**AUDIS tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus, et futúris. Per Dóminum.

**Pro S. Ursicio**

**Postcommunio**

**D**A, quæsumus, Dómine Deus noster: ut, sicut tuórum commemoratióne Sanctórum temporáli gratulámur officio; ita perpétuo lætémur aspéctu.

**Pro S. Eusebio**

**Postcommunio**

**R**EFÉCTI cibo potúque cælesti, Deus noster, te súpplices exorámus: ut, in cujus hæc commemoratióne percépimus, ejus muniámur et précibus. Per Dóminum.





DIE 20 AUGUSTI

**SANCTI STEPHANI**

REGIS, CONFESSORIS

(Pro Ecclesiis S. Stephani.)

Introitus Ps. 91, 13-14

**U**STUS ut palma florébit : sicut cedrus Líbani multiplicábitur : plantátus in domo Dómini : in átriis domus Dei nostri. **Ps. 36, 1.** Noli æmulári in malignántibus : neque zeláveris faciéntes iniquitátem. **Ꝛ.** Glória Patri. **Justus.**

Oratio

**C**ONCÉDE, quæsumus, Ecclésiæ tuæ, omnipotens Deus : ut beátum Stéphanum Confessórem tuum, quem regnántem in terris propagatórem hábit : propugnatórem habére mereátur gloriósum in cælis. Per Dóminum.

**Et, in Missis privatis, fit Com. S. Bernardi Abb. et Eccl. Doct. :**

Oratio

**D**EUS, qui pópulo tuo æternæ salutis beátum Bernárdum ministrum tribuísti : præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Léctio libri Sapiéntiæ

**Eccli. 31, 8-11**

**B**EÁTUS vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábitur eum? fecit enim mirabília in vita sua. Qui probátus est in illo,

et perféctus est, erit illi glória ætérna : qui pótuit tránsgridi, et non est tránsgréssus : fácere mala, et non fecit : ídeo stabilita sunt bona illius in Dómino, et eleemósynas illius enarrábit omnis ecclésiá sanctórum.

**Graduale. Ps. 36, 30-31.** Os iusti meditábitur sapiéntiam, et lingua ejus loquétur iudícium. **Ꝛ.** Lex Dei ejus in corde ipsius, et non supplantabúntur gressus ejus.

**Allelúja, allelúja. Ꝛ. Ps. 111, 1.** Beátus vir, qui timet Dóminum : in mandátis ejus volet nimis. Allelúja.



Sequéntia sancti Evangélii secúndum Lucam

**Luc. 19, 12-26**

**I**N illo témpore : Dixit Jesus discípulis suis parábolam hanc : Homo quidam nóbilis ábiit in regiónem longínquam accipere sibi regnum, et revérti. Vocátis autem decem servis suis, dedit eis decem mnas, et ait ad illos : Negotiámini, dum vénio. Cives autem ejus óderant eum : et misérunt legatióem post illum, dicéntes : Nólumus hunc regnare super nos. Et factum est, ut redíret accépto regno : et jussit vocári servos, quibus dedit pecúniám, ut sciret, quantum quisque negotiátus esset. Venit autem primus, dicens : Dómine, mna tua decem mnas acquisívit. Et ait illi : Euge, bone serve, quia in módico fuísti fidélis, eris potestátem habens super decem civitátes. Et alter venit, dicens : Dómine, mna tua fecit quinque mnas. Et huic ait : Et tu esto super quinque civitátes. Et alter venit, dicens : Dómine, ecce mna tua, quam hábui



repósitam in sudário; tímui enim te, quia homo austérus es : tollis quod non posuisti, et metis quod non seminásti. Dicit ei : De ore tuo te júdico, serve nequam. Sciébas, quod ego homo austérus sum, tollens quod non pósui, et metens quod non seminávi : et quare non dedisti pecúniam meam ad mensam, ut ego véniens, cum usúris útique exegissem illam? Et astántibus dixit : Auférte ab illo mnas, et date illi, qui decem mnas habet. Et dixerunt ei : Dómine, habet decem mnas. Dico autem vobis, quia omni habénti dábitur, et abundábit; ab eo autem, qui non habet, et quod habet auferétur ab eo.

**Credo, et dicitur per Octavam.**

**Offertorium. Ps. 88, 25.** Véritas mea et misericórdia mea cum ipso : et in nómine meo exaltábitur cornu ejus.

**Secreta**

**S**ACRIFÍCIUM, Dómine, quod tuæ offérimus majestáti, bénigno vultu réspice : et, intercessióne beáti Regis Stéphaní Confessóris tui, nos ab ómnium inimicórum insidiis defénde, et vitæ æternæ præmia concéde. Per Dóminum.

**Pro S. Bernardo Secreta**

**S**ANCTI Bernárdi Confessóris tui atque Doctóris nobis, Dómine, pia non desit orátio : quæ et múnera nostra concíliet; et tuam nobis indulgéntiam semper obtíneat. Per Dóminum.

**Communio. Matth. 24, 46-47.**

Beátus servus, quem, cum vénerit dóminus, invénerit vigilántem : amen, dico vobis, super ómnia bona sua constituet eum.

**Postcommunio**

**T**UERE, quæsumus, Dómine, familiam tuam : et quam per doctrínam beáti Regis Stéphaní Confessóris tui de ténebris ad veram lucem convertísti : eam post hujus témporis decúrsum, percépti sacrificii munímine, cleménter perdúcas ad regna cælórum. Per Dóminum.

**Pro S. Bernardo**

**Postcommunio**

**U**T nobis, Dómine, tua sacrificia dent salútem : beátus Bernárdus Confessor tuus et Doctór egregius, quæsumus, precátor accédát. Per Dóminum.

DIE 23 AUGUSTI

**Ss. HERMOGENIS et FORTUNATI  
MARTYRUM SIRMIENSIIUM**

**Introitus Eccli. 44, 15 et 14**

**S**APIÉNTIAM sanctórum narrent pópuli, et laudes eórum nuntiet ecclésia : nómina autem eórum vivent in sæculum sæculi. **Ps. 32, 1.** Exsultáte, justí, in Dómino : rectos decet collaudátio. **ŷ.** Glória Patri. **Sapiéntiam.**

**Oratio**

**D**EUS, qui nos concédís sanctórum Mártyrum tuórum Hermógenis et Fortunáti natalítia cólere : da nobis in æterna beatitúdine de eórum societáte gaudére. Per Dóminum.

**Et fit Com. S. Philippi Benitii Conf. :**

**Oratio**

**D**EUS, qui per beátum Philíppum Confessórem tuum, exímium nobis humilitátis exémplum tribuí-



sti : da fámulis tuis próspera mundi ex ejus imitatione despícere, et cælestia semper inquirere.

**Deinde Com. Vigiliæ S. Bartholomæi Ap. :**

**Oratio**

**D**A, quæsumus, omnipotens Deus : ut beati Bartholomæi Apostoli tui, quam prævenimus, veneranda sollemnitas, et devotionem nobis augeat, et salutem. Per Dominum.

Lectio libri Sapientiae

**Sap. 5, 16-20**

**J**USTI autem in perpetuum vivent, et apud Dominum est merces eorum, et cogitatio illorum apud Altissimum. Ideo accipient regnum decoris, et diadema speciei de manu Domini : quoniam dextera sua teget eos, et brachio sancto suo defendet illos. Accipiet armaturam zelus illius, et armabit creaturam ad ultionem inimicorum. Induet pro thorace justitiam, et accipiet pro galea iudicium certum. Sumet scutum inexpugnabile, æquitatem.

**Graduale. Ps. 123, 7-8.** Anima nostra sicut passer erepta est de laqueo venantium. **℣.** Laqueus contritus est, et nos liberati sumus : adiutorium nostrum in nomine Domini, qui fecit cælum et terram.

**Allelúja, allelúja. ℣. Ps. 67, 4.** Justi epulentur, et exsultent in conspectu Dei : et delectentur in lætitia. Allelúja.



Sequentia sancti Evangelii secundum Lucam

**Luc. 6, 17-23**

**I**N illo tempore : Descendens Jesus de monte, stetit in loco campèstri, et turba discipulorum

ejus, et multitudo copiosa plebis ab omni Judæa, et Jérusalem, et maritima, et Tyri, et Sidónis, qui venerant, ut audirent eum, et sanarentur a languoribus suis. Et qui vexabantur a spiritibus immundis, curabantur. Et omnis turba quærebat eum tangere : quia virtus de illo exibat, et sanabat omnes. Et ipse elevatis oculis in discipulos suos, dicebat : Beati pauperes : quia vestrum est regnum Dei. Beati, qui nunc esuritis : quia saturabimini. Beati, qui nunc fletis : quia ridebitis. Beati eritis, cum vos oderint homines, et cum separaverint vos, et exprobraverint, et ejecerint nomen vestrum tamquam malum, propter Filium hominis. Gaudete in illa die, et exsultate : ecce enim merces vestra multa est in cælo.

**Offertorium. Ps. 149, 5-6.** Exsultabunt sancti in glória, lætabuntur in cubilibus suis : exaltationes Dei in faucibus eorum.

**Secreta**

**M**ÚNERA tibi, Domine, nostræ devotionis offerimus : quæ et pro tuorum tibi grata sint honore justorum, et nobis salutaria, te miserante, reddantur. Per Dominum.

**Pro S. Philippo Benitio**

**Secreta**

**P**RÆSTA nobis, quæsumus, omnipotens Deus : ut nostræ humilitatis oblatio, et pro tuorum tibi grata sit honore Sanctorum, et nos corpore pariter et mente purificet.



*Pro Vigilia S. Bartholomæi*  
*Secreta*

**A**POSTÓLICI reveréntia cúlminis offeréntes tibi sacra mystéria, Dómine, quæsumus : ut beáti Bartholomæi Apóstoli tui suffrágiis, cujus natalítia prævenimus; plebs tua semper et vota sua deprómat, et desideráta percípiat. Per Dñum.

**Communio.** *Luc. 12, 4.* Dico autem vobis amícis meis : Ne terreamini ab his, qui vos persequúntur.

*Postcommunio*

**P**RÆSTA nobis, quæsumus, Dómine, intercedéntibus sanctis Martýribus tuis Hermógene et Fortunáto : ut, quod ore contíngimus, pura mente capiámus. Per Dñum.

*Pro S. Philippo Benitio**Postcommunio*

**Q**UÆSUMUS, omnipotens Deus : ut, qui cæléstia aliménta percépimus, intercedénte beáto Philippo Confessóre tuo, per hæc contra ómnia advérsa muniámur.

*Pro Vigilia S. Bartholomæi**Postcommunio*

**S**ANCTI Apóstoli tui Bartholomæi, quæsumus, Dómine, supplicatióne placátus : et véniam nobis tribue, et remédia sempitérna concede. Per Dóminum.

**FESTUM SEPTEMBRIS**

DIE 7 SEPTEMBRIS

**BEATI MARCI CHRISINI Martyris****Introitus** *Ps. 63, 11*

**L**ÆTÁBITUR justus in Dómino, et sperábit in eo : et laudabúntur omnes recti corde. *Ps. ibid., 2.*  
Exáudi, Deus, oratióem meam,

cum déprecor : a timóre inimíci éripe ánimam meam. *ꝯ.* Glória Patri. *L*ætábitur.

*Oratio*

**D**EUS, qui hanc diem beáti Marci Mártýris tui triúmpho consecrásti : exáudi preces pópuli tui et præsta; ut, qui ejus mérita venerámur, fidei constántiam imitémur. Per Dóminum.

Léctio Epístolæ beáti Pauli Apóstoli ad Timótheum

*2 Tim. 2, 8-10; 3, 10-12*

**C**ARÍSSIME : Memor esto Dóminum Jesum Christum resurrexisse a mórtuis ex sémine David, secúndum Evangélium meum, in quo labóro usque ad víncula, quasi male óperans : sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Jesu, cum glória cælésti. Tu autem assecútus es meam doctrínam, institutiónem, propósitum, fidem, longanimitátem, dilectiόnem, paciéntiam, persecutiόnes, passiόnes : quália mihi facta sunt Antiochiæ, Iconii et Lystris : quales persecutiόnes sustinui, et ex ómnibus erípuít me Dóminus. Et omnes, qui pie volunt vívere in Christo Jesu, persecutiόnes paciéntur.

**Graduale.** *Ps. 36, 24.* Justus cum ceciderit, non collidétur, quia Dóminus supponit manum suam. *ꝯ. Ibid., 26.* Tota die miserétur, et cómodat : et semen ejus in benedictiόne erit.

**Allelúja, allelúja.** *ꝯ. Joann. 8, 12.* Qui séquitur me, non ámbulat in ténebris : sed habébit lumen vitæ æternæ. Allelúja.





Sequētia sancti Evangēlii se-  
cūndum Matthæum

Matth. 10, 26-32

**I**N illo tēpore : Dixit Jesus disci-  
pulis suis : Nihil est opértum,  
quod non revelábitur : et occúl-  
tum, quod non sciétur. Quod dico  
vobis in tēnebris, dícite in lúmine :  
et quod in aure audítis, prædicáte  
super tecta. Et nolíte timére eos,  
qui occidunt corpus, ánimam autem  
non possunt occídere : sed pótius  
timéte eum, qui potest et ánimam  
et corpus pèrdere in gehénnam.  
Nonne duo pásseres asse véneunt :  
et unus ex illis non cadet super ter-  
ram sine Patre vestro? Vestri au-  
tem capílli cápitis omnes numeráti  
sunt. Nolíte ergo timére : multis  
passéribus meliôres estis vos. Om-  
nis ergo, qui confitébitur me coram  
homínibus, confitébor et ego eum  
coram Patre meo, qui in cælis est.

**Offertorium.** Ps. 20, 4-5. Po-  
suísti, Dómine, in cápite ejus co-  
ronam de lápide pretiôso : vitam  
pétiit a te, et tribuísti ei, allelúja.

**Secreta**

**A**CCÉPTA sit in conspéctu tuo,  
Dómine, nostra devótio : et  
ejus nobis fiat supplicatióne salu-  
táris, pro cujus solemnitate defér-  
tur. Per Dóminum.

**Communio.** Joann. 12, 26. Qui  
mihi ministrat, me sequátur : et ubi  
sum ego, illic et mínister meus erit.

**Postcommunio**

**R**EFÉCTI participatióne mún-  
eris sacri, quæsumus, Dómine  
Deus noster : ut, cujus exséquimur  
cultum, intercedénte beáto Marco  
Mártire tuo, sentiámus efféctum.  
Per Dóminum.

## FESTA OCTOBRIS

DIE 20 OCTOBRIS

**SANCTI VENDELINI**

ABBATIS, CONFESSORIS

(Pro Ecclesiis S. Vendelini.)

Introitus Ps. 36, 30-31



**O**s justi meditábitur sa-  
piéntiam, et lingua ejus  
loquétur judícium : lex  
Dei ejus in corde ipsíus.

**Ps. ibid., 1.** Noli æmulári in mali-  
gnántibus : neque zeláveris facièn-  
tes iniquitatem. **ꝛ.** Glória Patri.  
**O**s justi.

**Oratio**

**C**ONCÉDE, quæsumus, omnípo-  
tens Deus : ut, qui beáti Ven-  
delíni Confessóris tui solémnia  
celebrámus; ejus patrocíniis pro-  
tècti et exémpis instrúcti, ad te  
gradiámur. Per Dóminum.

**Et, in Missis privatis, fit Com.  
S. Joannis Cantii Conf. :**

**Oratio**

**D**A, quæsumus, omnípotens De-  
us : ut, sancti Joánnis Con-  
fessóris exémplo in sciéntia San-  
ctórum proficiétes, atque áliis mi-  
sericórdiam exhibétes; ejus mé-  
ritis, indulgéntiam apud te conse-  
quámur. Per Dóminum.

Léctio libri Sapiéntiæ

**Eccli. 45, 1-6**

**D**ILÉCTUS Deo et homínibus, cu-  
jus memória in benedictiône  
est. Símilem illum fecit in glória



sanctorum, et magnificavit eum in timore inimicorum, et in verbis suis monstra placavit. Glorificavit illum in conspectu regum, et jussit illi coram populo suo, et ostendit illi gloriam suam. In fide et lenitate ipsius sanctum fecit illum, et elegit eum ex omni carne. Audivit enim eum et vocem ipsius, et induxit illum in nubem. Et dedit illi coram præcepta, et legem vitæ et disciplinæ.

**Graduale. Ps. 20, 4-5.** Domine, prævenisti eum in benedictionibus dulcedinis : posuisti in capite ejus coronam de lapide pretioso. *ŷ.* Vitam petiit a te, et tribuisti ei longitudinem dierum in sæculum sæculi.

**Allelúja, allelúja. ŷ. Ps. 91, 13.** Justus ut palma florebit : sicut cedrus Libani multiplicabitur. Allelúja.



Sequéntia sancti Evangélii secundum Matthæum

**Matth. 19, 27-29**

**I**N illo tempore : Dixit Petrus ad Jesum : Ecce nos reliquimus omnia, et secuti sumus te : quid ergo erit nobis? Jesus autem dixit illis : Amen, dico vobis, quod vos, qui secuti estis me, in regeneratione, cum sederit Filius hominis in sede majestatis suæ, sedebitis et vos super sedes duodecim, judicantes duodecim tribus Israël. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, et vitam æternam possidebit.

**Credo, et dicitur per Octavam.**

**Offertorium. Ps. 20, 3 et 4.** Desiderium animæ ejus tribuisti ei, Domine, et voluntate labiorum ejus non fraudasti eum : posuisti in capite ejus coronam de lapide pretioso.

**Secreta**

**S**ACRIS altaribus, Domine, hostias superpositas sanctus Vendelinus Abbas, quæsumus, in salutem nobis provenire deprecatur. Per Dominum.

**Pro S. Joanne Cantio**

**Secreta**

**H**AS, quæsumus, Domine, hostias, sancti Joannis Confessoris tui meritis benignus assume : et presta; ut, te super omnia, et omnes propter te diligentes, corde tibi et opere placeamus. Per Dominum.

**Communio. Luc. 12, 42.** Fidelis servus et prudens, quem constituit dominus super familiam suam : ut det illis in tempore tritici mensuram.

**Postcommunio**

**P**RÓTEGAT nos, Domine, cum tui perceptione sacramenti beatus Vendelinus Abbas, pro nobis intercedendo : ut et conversationis ejus experiamur insignia, et intercessionis percipiamus suffragia. Per Dominum.

**Pro S. Joanne Cantio**

**Postcommunio**

**P**RETIOSI Corporis et Sanguinis tui, Domine, pasti deliciis, tuam supplices deprecamur clementiam : ut, sancti Joannis Confessoris tui meritis et exemplis, ejusdem caritatis imitatores effecti, consortes simus et gloriæ : Qui vivis.



DIE 26 OCTOBRIS

## SANCTI DEMETRII

MARTYRIS

PATRONI PRINCIPALIS DIOECESIS SIRMIENSIS

Introitus Ps. 20, 2-3



**I**N virtute tua, Domine, lætabitur justus : et super salutare tuum exsultabit vehementer : desiderium animæ ejus tribuisti ei. **Ps. ibid., 4.** Quoniam prævenisti eum in benedictionibus dulcedinis : posuisti in capite ejus coronam de lapide pretioso. **Ÿ.** Glória Patri. **In.**

Oratio

**D**EUS, qui beatum Demetrium Mátyrem tuum virtutum signis clarificas : ejus nos, quæsumus, interventu, a cunctis reatibus, et a malis, quæ pro eis meremur, absolve propitius. Per Dominum.

Lectio libri Sapientiae

Sap. 10, 10-14

**J**USTUM deduxit Dominus per vias rectas, et ostendit illi regnum Dei, et dedit illi scientiam sanctorum : honestavit illum in laboribus, et complévit labores illius. In fraude circumvenientium illum affuit illi, et honestum fecit illum. Custodivit illum ab inimicis, et a seductoribus tutavit illum, et certamen forte dedit illi, ut vinceret, et sciret, quoniam omnium potentior est sapientia. Hæc venditum justum non dereliquit, sed a peccatoribus liberavit eum : descenditque cum illo

in foveam, et in vinculis non dereliquit illum, donec afferret illi sceptrum regni et potentiam adversus eos, qui eum deprimebant : et mendaces ostendit, qui maculaverunt illum, et dedit illi claritatem æternam, Dominus, Deus noster.

**Graduale. Ps. 111, 1-2.** Beatus vir, qui timet Dominum : in mandatis ejus cupit nimis. **Ÿ.** Potens in terra erit semen ejus : generatio rectorum benedicetur.

**Allelúja, allelúja. Ÿ. Ps. 20, 4.** Posuisti, Domine, super caput ejus coronam de lapide pretioso. Allelúja.



Sequentia sancti Evangelii secundum Lucam

Luc. 14, 26-33

**I**N illo tempore : Dixit Jesus turbis : Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et qui non bajulat crucem suam, et venit post me, non potest meus esse discipulus. Quis enim ex vobis volens turrim ædificare, non prius sedens computat sumptus, qui necessarii sunt, si habeat ad perficiendum ; ne, posteaquam posuerit fundamentum, et non poterit perficere, omnes, qui vident,



incípiant illúdere ei, dicéntes : Quia hic homo cœpit ædificáre, et non pótuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem millibus occurrere ei, qui cum vigínti millibus venit ad se? Alióquin, adhuc illo longe agénte, legatióem mittens rogat ea, quæ pacis sunt. Sic ergo omnis ex vobis, qui non renúnciat ómnibus, quæ pössidet, non potest meus esse discípus.

**Credo, et dicitur per Octavam.**

**Offertorium. Ps. 8, 6-7.** Glória et honóre coronásti eum : et constituísti eum super ópera mánuum tuárum, Dómine.

### Secreta

**M**ÚNERA nostra, Dómine, méritis beáti Demétrii Mártiris, tibi, quæsumus, reddántur accépta : et nosmetípsi gratum tibi efficiámur sacrificium. Per Dóminum.

**Communio. Matth. 16, 24.** Qui vult veníre post me, ábneget semetípsam, et tollat crucem suam, et sequátur me.

### Postcommunio

**P**URÍFICET NOS, quæsumus, Dómine, cæléstis mensæ libátio : et intercedénte beáto Demétrio Mártire tuo, ad vitam nobis proficiat sempitérnam. Per Dóminum.

DIE 27 OCTOBIS

DE II DIE INFRA OCTAVAM

S. DEMETRII

Missa ut in die festo.

Com. Vigilæ.

DIE 29 OCTOBIS

DE IV DIE INFRA OCTAVAM

S. DEMETRII

Missa ut in die festo.

DIE 30 OCTOBIS

DE V DIE INFRA OCTAVAM

S. DEMETRII

Missa ut in die festo.

DIE 31 OCTOBIS

DE VI DIE INFRA OCTAVAM

S. DEMETRII

Missa ut in die festo.

Com. Vigilæ.

## FESTUM NOVEMBRIS

DIE 5 NOVEMBRIS

IN COMMEMORATIONE SANCTORUM

QUORUM CORPORA VEL RELIQUIÆ IN ECCLESIIIS DICECISIS BOSNIENSIS ET SIRMIENSIS ASSERVANTUR

Introitus Ps. 33, 20-21

**M**ULTÆ tribulatiónes justórum, et de his ómnibus liberávit eos Dóminus : Dóminus custódit ómnia ossa eórum : unum ex his non conterétur. **Ps. ibid., 2.** Benedícam Dóminum in omni témpore : semper laus ejus in ore meo. **ŷ.** Glória Patri. **Multæ.**

### Oratio

**A**UGE in nobis, Dómine, resurrectionis fidem, qui in Sanctorum tuorum Relíquiis mirabilia operáris : et fac nos immortalis



glóriæ participes; cujus in eorum cineribus pignora veneramur. Per Dñm.

**Et fit Com. Octavæ Omnium Sanctorum :**

**Oratio**

**O**MNIPOTENS sempiternè Deus, qui nos omnium Sanctorum tuorum mèrita sub una tribuisti celebritate venerari : quæsumus; ut desideratam nobis tuæ propitiatiõnis abundantiam, multiplicatis intercessoribus, largiaris. Per Dñm.

Lectio libri Sapiëntiæ

**Eccli. 44, 10-15**

**H**I viri misericordiæ sunt, quorum pietates non defuerunt : cum semine eorum permanent bona, hereditas sancta nepotes eorum, et in testamentis stetit semen eorum : et filii eorum propter illos usque in æternum manent : semen eorum, et gloria eorum non derelinquetur. Corpora ipsorum in pace sepulta sunt, et nomen eorum vivit in generationem et generationem. Sapiëntiam ipsorum narrent populi, et laudem eorum nuntiet Ecclesia.

**Graduale. Ps. 149, 5 et 1.** Exsultabunt sancti in glória : lætabuntur in cubilibus suis. **✠.** Cantate Dñmo canticum novum : laus ejus in ecclesia sanctorum.

**Allelúja, allelúja. ✠. Ps. 67, 4.** Justi epulentur, et exsultent in conspectu Dei : et delectentur in lætitia. Allelúja.



Sequëntia sancti Evangélii secundum Lucam

**Luc. 6, 17-23**

**I**N illo tempore : Descendens Jesus de monte, stetit in loco campestri, et turba discipulorum

ejus, et multitudo copiosa plebis ab omni Judæa, et Jerúsalem, et marítima, et Tyri, et Sidónis, qui vénerant ut audirent eum, et sanarentur a languoribus suis. Et qui vexabantur a spirítibus immúndis, curabantur. Et omnis turba quærebat eum tângere : quia virtus de illo exibat, et sanabat omnes. Et ipse, elevatis oculis in discipulos suos, dicebat : Beati pauperes : quia vestrum est regnum Dei. Beati, qui nunc esuritis : quia saturabimini. Beati, qui nunc fletis : quia ridebitis. Beati éritis, cum vos óderint homines, et cum separaverint vos, et exprobraverint, et ejecerint nomen vestrum tamquam malum propter Filium hominis. Gaudete in illa die, et exsultate : ecce enim merces vestra multa est in cælo.

**Credo ratione Octavæ.**

**Offertorium. Ps. 67, 36.** Mirabilis Deus in Sanctis suis : Deus Israël, ipse dabit virtutem et fortitudinem plebi suæ : benedictus Deus, allelúja.

**Secreta**

**I**MPLORÁMUS, Dómine, cleméntiam tuam : ut Sanctorum tuorum, quorum Reliquias veneramur, suffragantibus mèritis, hóstia, quam offerimus, nostrorum sit expiatio delictorum. Per Dñm.

**Pro Octava Omnium Sanctorum**

**Secreta**

**M**ÚNERA tibi, Dómine, nostræ devotiõnis offerimus : quæ et pro cunctorum tibi grata sint honore Justorum, et nobis salutaria, te miserante, reddantur. Per Dñm.



**Communio. Ps. 32, 1.** Gaudete, justi, in Dómino : rectos decet collaudátio.


**Postcommunio**

**M**ULTÍPLICA super nos, quæsumus, Dómine, per hæc sancta, quæ sumpsimus, misericórdiam tuam : ut, sicut in tuórum sollemnitate Sanctórum, quorum Reliquias cólimus, pia devotióne lætá-

mur; ita eórum perpétua societáte, te largiēte, fruámur. Per Dóminum.

**Pro Octava Omnium Sanctórum**  
**Postcommunio**

**D**A, quæsumus, Dómine, fide-libus pópulis ómnium Sanctórum semper veneratióne lætári : et eórum perpétua supplicatióne muniri. Per Dóminum.





# APPENDIX

DIE 27 APRILIS  
BEATÆ HOSANNÆ  
VIRGINIS

Introitus

Ps. 44, 8



**D**ILEXISTI justitiam, et odisti iniquitatem: propterea unxit te Deus, Deus tuus, oleo lætitiæ præ consor-tibus tuis, allelúja, allelúja. **Ps. ibid., 2.** Eructávit cor meum verbum bonum : dico ego ópera mea Regi. **ŷ. Glória Patri. Dilexisti.**

Oratio

**I**NNOVA, Dómine, in córdibus nostris amórem tuæ passiõnis, ut intercessiõne et exémplo beatæ Hosannæ Vírginis pœniténtis, dolorum tuórum participes efficiámur et glóriæ : Qui vivis.

**Et fit Com. S. Petri Canisii Conf. et Eccl. Doct. :**

Oratio

**D**EUS, qui ad tuéndam cathólicam fidem beátum Petrum Confessórem tuum virtúte et doctrina roborásti : concéde propítius; ut ejus exémplicis et mónitis errántes ad salútem resipiscant, et fidéles in veritátis confessiõe perseverént. Per Dóminum.

Léctio Epístolæ beáti Pauli Apóstoli ad Corínthios

**2 Cor. 10, 17-18; 11, 1-2**

**F**RATRES : Qui gloriátur, in Dómino gloriétur. Non enim qui seípsum comméndat, ille probátus

est : sed quem Deus comméndat. Utinam sustinerétis módicum quid insipiéntiæ meæ, sed et supportáte me : æmulor enim vos Dei æmulatiõe. Despóndi enim vos uni viro vírginem castam exhibére Christo.

**Allelúja, allelúja. ŷ. Ps. 44, 15 et 16.** Adducéntur Regi vírgines post eam : próximæ ejus afferéntur tibi in lætítia. Allelúja. **ŷ. Ibid., 5.** Spécie tua et pulchritúdine tua inténde, prospere procéde, et regna. Allelúja.



Sequéntia sancti Evangélii  
secúndum Matthæum

**Matth. 25, 1-13**

**I**N illo témpore : Dixit Jesus discipulis suis parábolam hanc : Símile erit regnum cælórum decem vírginibus : quæ, accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudéntes : sed quinque fátuæ, accéptis lámpadibus, non sumpsérunt óleum secum : prudéntes vero accepérunt óleum in vasis suis cum lámpadibus. Moram autem faciénte sponso, dormitavérunt omnes et dormiérunt. Média autem nocte clamor factus est : Ecce sponsus venit, exite óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixérunt : Date nobis de óleo vestro; quia lámpades nostræ exstinguúntur. Respondérunt prudéntes,



dicentes : Ne forte non sufficiat nobis, et vobis, ite pótius ad vendentes, et émite vobis. Dum autem irent émere, venit sponsus : et quæ parátæ erant, intravérunt cum eo ad núptias et clausa est jánuā. Novíssime vero véniunt et réliquæ vírgines, dicentes : Dómine, Dómine, áperi nobis. At ille respóndens, ait : Amen, dico vobis, nescio vos. Vigilate itaque, quia nescitis diem neque horam.

**Offertorium. Ps. 44, 10.** Filia regum in honóre tuo, ástitit regina a dextris tuis in vestítu deauráto, circúmdata varietáte, allelúja.

**Secreta**

**S**ÚSCIPE, Dómine, hæc dona, quæ in beátæ Hosánnæ Vírginis commemoratióne deférimus, et præsta; ut, ea intercedente, castitátis et pœnitentiæ donis tibi júgiter placére valeámus. Per Dóminum.

**Pro S. Petro Canisio**

**Secreta**

**S**ANCTI Petri Confessoris tui atque Doctóris nobis, Dómine, pia non desit orátio : quæ et múnera nostra concíliet; et tuam nobis indulgéntiam semper obtíneat. Per Dóminum.

**Communio. Matth. 25, 4 et 6.**

Quinque prudéntes vírgines acceperunt óleum in vasis suis cum lampádibus : média autem nocte clamor factus est : Ecce sponsus venit : exíte óbviā Christo Dómino, allelúja.

**Postcommunio**

**D**EUS, qui de uno pane et de uno cálice participantes unum corpus nos esse voluisti : per beátæ

Hosánnæ Vírginis intercessiόnem fidéles tuos in veritaté confírma, et a recta fide aberrántes ad Ecclesiæ tuæ révoca unitátem. Per Dóminum.

**Pro S. Petro Canisio**

**Postcommunio**

**U**T nobis, Dómine, tua sacrificia dent salútem : beátus Petrus Confessor tuus et Doctór egregius, quæsumus, precátor accédāt. Per Dóminum.



DIE 16 AUGUSTI

**SANCTI ROCHI**

**CONFESSORIS**

**(Pro Ecclesiis S. Rochi)**

**Introitus Ps. 91, 13-14**



**J**USTUS ut palma florébit, sicut cedrus Líbani multiplicábitur : plantátus in domo Dómini, in átriis domus Dei nostri. **Ps. ibid., 2.** Bonum est confitéri Dómino, et psállere nómini tuo, Altíssime. **ꝝ.** Glória Patri. **Justus.**

**Oratio**

**P**ÓPULUM tuum, quæsumus, Dómine, continúa pietáte custódi : et, beáti Rochi suffragántibus méritis, ab omni fac ánimæ et corpóris contagióne secúrum. Per Dóminum.

Léctio Epístolæ beáti Pauli Apóstoli ad Corínthios **1 Cor. 4, 9-14**

**F**RATRES : Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Chri-



sto : nos infirmi, vos autem fortes : vos nobiles, nos autem ignobiles. Usque in hanc horam et esurimus, et sitimus, et nudi sumus, et colaphis cedimur, et instabiles sumus, et laboramus operantes manibus nostris : maledicimur, et benedicimus : persecutiōnem patimur, et sustinemus : blasphemamur, et obsecramus : tamquam purgamenta huius mundi facti sumus, omnium peripsēma usque adhuc. Non ut confundam vos, hæc scribo, sed ut filios meos carissimos moneo : in Christo Jesu Domino nostro.

**Graduale. Ps. 36, 30-31.** Os iusti meditabitur sapientiam, et lingua ejus loquetur iudicium. **℣.** Lex Dei ejus in corde ipsius : et non supplantabuntur gressus ejus.

**Allelúja, allelúja. ℣. Ps. 111, 1.** Beatus vir, qui timet Dominum : in mandatis ejus cupit nimis. Allelúja.



Sequentia sancti Evangelii secundum Lucam

**Luc. 12, 32-34**

**I**n illo tempore : Dixit Jesus discipulis suis : Nolite timere, pusillus grex, quia complacuit Patri vestro dare vobis regnum. Vendite quæ possidētis, et date eleemósy-

nam. Facite vobis sacculos qui non veterascunt, thesaurum non deficientem in cælis : quo fur non appropriat, neque tinea corrumpit. Ubi enim thesaurus vester est, ibi et cor vestrum erit.

**Credo, et dicitur per Octavam.**

**Offertorium. Ps. 20, 2-3.** In virtute tua, Domine, lætabitur justus, et super salutare tuum exsultabit vehementer : desiderium animæ ejus tribuisti ei.

**Secreta**

**P**RÆSTA nobis, quæsumus, omnipotens Deus : ut nostræ humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dominum.

**Communio. Matth. 19, 28 et 29.** Amen, dico vobis, quod vos, qui reliquistis omnia, et secuti estis me, centuplum accipietis, et vitam æternam possidebitis.

**Postcommunio**

**Q**UÆSUMUS, omnipotens Deus : ut, qui cælestia alimenta percipimus, intercedente beato Rocho Confessore tuo, per hæc contra omnia adversa muniamur. Per Dominum.





# INDEX ALPHABETICUS

36	Marci Chrisini Mart. (7 Sept.)	13	Amphilocii et Chronidæ Mm. (27 Martii).
22	Mariæ Auxiliatricis Christian. (24 Maji).	31	Augustini Gazotti Ep. et Conf. (3 Aug.).
5	— Translatio almæ Domus (10 Dec.).	7	Blasii Ep. et Mart. (3 Febr.).
26	Methodii et Cyrilli Epp. et Cc. (5 Julii).		Commemoratio Sanctorum quorum cor-
11	Montani et Maximæ Mm. (26 Martii).		pora vel reliquiæ in Eccl. Dicec. assen-
	Phileti, Lydiæ, Macedonis et Theoprepi-	40	vantur (5 Nov.).
13	dis Mm. (27 Martii).	26	Cyrilli et Methodii Epp. et Cc. (5 Julii).
17	Pollionis Mart. (28 Apr.).	28	— Octava (12 Julii).
11	Quadrati et Soc. Mm. (26 Martii).	39	Demetrii Mart. (26 Oct.).
23	Quirini Ep. et Mart. (4 Junii).		Donati, Venusti, Romuli et Silvani Mm.
40	Reliquiarum sacrarum (5 Nov.).	7	(17 Febr.).
44	Rochi Conf. (16 Aug.).	16	Eleutherii Ep. et Anthiæ Mm. (18 Apr.).
15	Sabbæ et Soc. Mm. (12 Apr.).	28	Elizæ Prophetæ (20 Julii).
30	Septem Virginum Mm. Sirmiensium	30	— Octava (27 Julii).
13	(9 Apr.).	19	Floriani Mart. (4 Maji).
	Septuaginta duorum Mm. Sirmiensium	34	Hermogenis et Fortunati Mm. (23 Aug.).
9	(23 Febr.).	7	Hermylli et Stratonici Mm. (13 Jan.).
9	Sireni Mart. (23 Febr.).	43	Hosannæ Virg. (27 Apr.).
33	Stephani Regis, Conf. (20 Aug.).	25	Innocentii et Soc. Mm. (4 Julii).
5	(10 Dec.).	11	Irenæi Ep. et Mart. (26 Martii).
32	Ursicii Mart. (14 Aug.).	21	Joannis Nepomuceni Mart. (16 Maji).
37	Vendelini Abb. (20 Oct.).	24	Ladislai Regis, Conf. (27 Junii).